

875

203.7  
7-15

1896

Է 24 7

45

ՀԱՅՈՑ ԱԶԳԱԴՐԱԿԱՆ ԸՆԿԵՐՈՒԹԵԱՆ

ԿՈՎԱՅՍՈՒԹԻՑ ՏԵՂԵԿԱԿԱՆ ՄԱՐԴԱԲԱՆՈՒԹԵԱՆ

ԴՐԱԴԱՐԱՆ

Նուէր օր. Մարիամ Արամեանից՝ ի յիշա-  
սակ իւր հօր՝ բժ. Միամ Արամեանի.

Հայոց բարեկարգության համար - ՀՀ Հայք - 4038

200  
339-ԱԿ **ՊԱՐԶ ՔԱՐՈՉՆԵՐ** Հ/Դ 1896  
2037 4038 ԱՀ. ԱՀ ՀՀ ՀԱՅ  
Հ-15

(ԺՈՂՈՎՐԴԱԿԱՆ ԸՆԹԵՐՑԱՆՈՒԹԵԱՆ ՀԱՄԱՐ)

1  
170/5-58  
004  
0981  
11



ԳՐԱՑ

ՀԱՄԱՆՈՒԷԼ Քահ. ՆԱԶԱՐԵԱՆՑ

— ( ԵՐԿՐՈՐԴ Գ.Բ.ՔԱՅԻ ) —

ՏՊԱԳՐԵԱԼ. ԽԱԽԻՔԻ ՄԱՆՈՒԿ Ա.Դ.ԱՅԻ ԿԱՐԱՊԵՏԵԱՆՑ

— ՏԵՐԵՄ ՕԴԼՈՒԵԱՆՑ, ԱՐՄԱՆԻՔՅԻ

120 01



Տպարան Մայր Աթոռոյ և Հղմիածնի

1896

Եւ դու քարոզեա զբանն, հաս ի վերայ ժամիւ եւ  
տարաժամիւ. յանդիմնեա, սաստեա, միմիթարեա ա-  
մենայն երկայնմոռութեամբ եւ վարդապետութեամբ:

ՀՐԱՄԱՆԱՀ

**S♦ S♦ ՄԿՐՏՉԻ Ա♦**

ՎԵՀԱՓՈՐ ԵՒ ՍՐԲԱԶՆԱԳՈՅՆ ԿԱԹՈՒՂԻԿՈՍԻ

ԱՄԵՆԱՑՆ ՀԱՅՈՑ

Առ. Տիմոֆ. Երկը. Դ. 2:



## ԲՈՎԱՆԴԱԿՈՒԹԻՒՆ

- Ա. Զամենայն ինչ, զոր եւ խնդրիցէք յաղօթս  
հաւատովք՝ առնուցուք:
- Բ. Եւ պահեալ զքառասուն տիւ եւ զքառասուն  
զիշեր՝ ապա քաղցեաւ:
- Գ. Ապաշխարեցէք, եւ հաւատացէք յԱւետա-  
րանն:
- Դ. Եթէ խոստովան լինիցիմք զմեղս մեր, հա-  
սատարիմէ նա եւ արդար առ ի թողով մեզ  
զմեղս մեր:
- Ե. Որ ուտէ զմարմին իմ՝ եւ ըմպէ զարին իմ՝  
յիս բնակեցի եւ ես ի նմա:



ԱՌ ԸՆԹԵՐՑՈՂՄ.


Սիրելի ընթերցող



Ճարբ և իցէ մտքովդ անց ես կացրել թէ՝  
մեր պապերը, մեր նախնիքը ինչպիսի քրիստոնեաներ են  
եղել, և մենք, որ նրանց մրուրն ենք, ինչպիսին ենք:  
Նմանութիւն կայ մեր ու նրանց մէջ: Նրանք հաւատի  
պաշտպանութեան համար իրանց անձն են զոհ բերել,  
եկեղեցու ամէն մի քարը իրանց արիւնով շալախել.  
մենք հաւատի մասին չենք ել մտածում: Նրանք ոչ մի  
օր առանց եկեղեցու չեն գիմացել. մենք ամիսներով ել  
եկեղեցու երես չենք տեսնում: Նրանք, ինչ որ եկեղե-  
ցում կարգացուում ու երգուում է, նրա մեծ մասը ան-  
գիր են գիտացել: մենք «Հայր մերն» ել հաղիւ գիտենք:  
Նրանք ինչ արել են՝ հոգով սրտով ու մտքով են արել.  
մենք ինչ անումենք, ձեի համար, ուրիշներին երեւալու

և փառաւորելու համար ենք անում: Մի խօսքով՝ նրանք  
գործքով են եղել քրիստոնեայ: մենք՝ լոկ անունով:

Մեզանում հազարից մէկը չգիտէ թէ՝ ինչ է ա-  
զօթք, ինչ է պահք, ապաշխարութիւն, խոստովանու-  
թիւն, հաղորդութիւն, և ի՞նչպէս պէտք է կատարենք:  
Հազարից մէկը չգիտէ թէ՝ ինչպէս պէտք է ապրենք՝  
լաւ մեռնելու համար, ինչպէս պէտք է մեռնենք՝ յա-  
ւիտեան ապրելու համար: Այս պատճառով այս անգամ՝  
ես խօսելու եմ քեզ հետ աչա այդ բաների մասին, յու-  
սալով որ քեզ համար սխալը ուզզուի, մութը պարզուի:



## Բ Ա Ն Ա.

Զամենայն ինչ, զոր եւ խնդրիցէք յարօթս հաւա-  
տովք՝ առնուցուք:

Մատթ. Իւ. 22.

Ի՞նչ է նշանակում ԱՀՕԹՔ անել:



Իր ստեղծուածը հոգով, սրտով ու  
մոքով կապուում է իր Ստեղծո-  
ղի հետ, ժամանակաւորը յա-  
փառենականի հետ, մահկանա-  
ցուն անմահի հետ, - դրան ա-  
ռում ենք ազօթք անել:

Բայց՝ միայն մարդս չէ որ  
ազօթումէ • բոլոր արարածները՝ թէ՛ բանական, թէ ան  
բան, թէ շնչաւոր, թէ անշունչ – ազօթում են Աստո-  
ծուն: Երբ առաւօտեան արշալուսին ծաերը ճռու-  
զում են, կովերը բառաջում: ոչխարները մայում: ծառն  
իր սօսաւիւնով, ծաղիկը գլուխը վեր տնկելով, ծովն իր

ծփալովի հողմն իր շնչով — ամենքը միասին մի ընդ հանուր աղօթք է, որ վեր են բարձրացնում դէպի Ամենակալի գահը: Երկինք, գետինք, ծով ու ցամաք — զգացմունք ու լեզու դարձած՝ իր Ստեղծողին է ուղղում իր առաջին հայեացքը, իր առաջին խօսքը: Խակ բանական մարդը՝ այդ բոլորի մէջ իր Արարչի մատը տեսնելով, իր մէջ նրա շունչը զգալով նորոգումէ նրա հետ իր մըշտական կապը, բաց անելով նրա առաջ իր սիրալը: Ահա այն ժամանակ, սուրբ Ուկեբերան հայրապետի ասածի պէս՝ բարձրանումէ աղօթքը, և իջնում է Աստուծոյ ողորմութիւնը:

Վշտերի ու հոգսերի մէջ աչք բաց արած մարդուն այնքան այլոց միխթարանքը չէ օգնում: Ինչքան այն, որ նա իր սիրտը բաց է անում ուրիշի մօտ, իր վշտերն ու ցաւերն է պատմում: Միթէ միեւնոյն չէ պատահում մարդուս, երբ աղօթք է անում: Երբ իր անզօրութիւնն ու ոչնչութիւնը գնումէ իր Ստեղծողի առաջը: Երբ դու աղօթում ես, այն սուրբ բոպէներին, երբ քեզ շրջապատող աշխարհը մոռացած՝ ծխում ես քո սրտի բուրվառը դէպի նրան, որի առաջ դու հող ես և մոխիր, մի ներքին փոխոխութիւն չե՞ս զգում մէջդ, սիրտը չէ թեթևանում անձգ չէ հանգստանում: Վըշտերիդ գառնութիւնը չէ մեղմանում: Երբ անասունը ցաւագարումէ, երբ քաջցումէ, չէ մռնչում: Նրա մըռունչը իր աղօթքն է առ Աստուծած: Երբեմն անդաստանների կողմը՝ արտերը փչացնող քամիներ են փչում: Որից նրանք խսկոյն թառամում գետին են խոնարհում:

բայց յետոյ մի ամպի կտոր է գալիս: Կաթիներ է ցողում վրաները և նրանց թմրած գլխները կրկին վեր է բարձրացնում: Մեր հոգին էլ ունի իրան թառամեցնող, չորացնող քամիները, որոնք ամէն կողմից և ամէն ուղղութեամբ փչումեն վրան: Աստուծուց հեռացած լինելու մեղքերն են, որ չորացնումեն նրան: անձրեւ է հարկաւոր նրան՝ կրկին վուարթանալու համար: — և հոգու տապը զովացնող այդ անձրեւ՝ աղօթքն է: Ամէն ստեղծուած կախումն ունի, կեանք ունի յոյս ունի իւր ստեղծողից: այս պատճառով աղօթքը բուն ունի դրած ամէն մարդու հոգու խորքում: ամէն տեղ և ամէն ժամանակ: Վայրենին մարդուն անգամ: որ իր սրտի ուզածը խօսքով յայտնելու համար լեզու չունի, աղօթքը վշտերի միջոցին ստիպումէ իր անմիտ երեսը դէպի երկինք ուղղել, և անհաւատ հօրը ստիպումէ ծունդ խոնարհիլ իր որդու մահուան անկողնի մօտ:

Աղօթքը Աստուծոյ բարկութիւնը իջեցնումէ: մեղաւորին հետը հաշտեցնում: սրտի ախտերն ու կեղտերը լուանումէն, վտանգներից աղատում: Աղօթքը մի սակէ շղթայ է, որով Աստուծած մօտենումէ մարդուս նեղութեան ժամանակ: Ի՞նչպէս աղատուեց Յեւան ճարդարէն կիտի փորից, — ձեռք ձգելով աղօթքի շղթան: Ի՞նչպէս աղատուեցին Երեւանի հարիլունի հնոցից, — բռնելով աղօթքի շղթան: Ի՞նչպէս աւարտիլ խաչի վրայից գրախտը մտաւ, — ձեռք ձգելով աղօթքի շղթան: Ի՞նչպէս փշրուեցին բանտում Պազմու աւարտիլ երկաթի շղթաները: — ապաւինելով աղօթքի ոսկէ շղթային:

Բայց պէտք է մեր ս. հայրապէտներին՝ ականջ գնել թէ՝ ինչպէս են գովում աղօթքը, ի՞նչ ոյժ ու զօրութիւնն տեսնում նրա մէջ։ Մէկն ասումէ՝ Աղօթքըն է հաւատի հիմքը, Աստուածութեան սանդուղք, չընշատակաց բարեկամ։ Միւսը ձայն է տալիս՝ Աղօթքն է թշնամու խարազան, մեղաւորի ապաստարան, Աստուծոյ պատարագ։ Երրորդը թէ՝ Աղօթքն է ուղևորի վահան, աշխատեալի հանգիստ, անքոյթ նաւահանգիստ։

\* \*

Աղօթելուց առաջ պէտք է հարկաւոր պատրաստութեանը տեսնել։ «Երբ աղօթելիս լինես, ասումէ Յիսուս, մոիր սենեակդ, փակի՞ր դռներդ և խնդրուածքդ փոփիր Հօրդ առաջը»։ Զպէտք է կարծել թէ դրանով ուզումէ ասել որ իբր ամէն մարդ աղօթելիս պէտք է անպատճառ մտնի իր տունը։ Այլ ուզումէ ասել՝ կըտրիր քո յարաբերութիւնը քեզ շրջապատող ամէն բանի հետ, ամփոփուիր ինքդ քո մէջ, ուշք ու միտքդ լաւ ժողովիր, որ խնդրելիքդ ուղղակի առ Աստուած ուղղես. բոլոր զգայարանքներիդ դռները փակի՞ր աշխարհային ունայն մոքերի, ձայների ու տեսարանների դէմ, և ապա սկսիր քո խօսքի թելը։ Իսկ եթէ ինքդ չոգած ես եկեղեցում, բայց հոգիդ գուրսն է. եթէ շրթունքըդ աղօթքի խօսքելին է միմնջում, իսկ միտքդ ուրիշ բաների վրայ է, դու ճշմարիտ աղօթողչնս։ Եթէ հոգիդ չէ աղօթում եթէ սիրտդ չէ արտասուում ինչ-

քան էլ ծունք դնես, երկրպագես, արցունք թափես, անօգուտ է։

Աղօթելու պատրաստութիւնը հասկան ալուց յետոյ՝ Յիսուս ուղղակի աղօթելու կերպի մասին է խօսում։ «Երբ աղօթելիս լինես, ասումէ, շաբախու մի լինիր»։ Շատախօսութիւնը մարդու հետ՝ ըստ ինքեան ձանձրակի է, մանաւանդ Աստուծոյ հետ. իսկ աղօթողի համար՝ մինչ անգամ վնասակար. որովհետեւ նաշատ խօսքեր ասելիս՝ չկարողանալով բոլոր ու շքը մի բանի վրայ պահել, դառնումէ մի խօսուն մեքենայ։ Եթէ շատախօսութեան միտքն այն է, որ խնդիրը լաւ հասկացուի, չատ աւելորդ է, որովհետեւ Աստուծուն լաւ էն յայտնի մեր պէտքերը՝ «առաւել քան զոր խընդրեմք և իմանամք»։ Թող, ասումէ Յիսուս, հեթանոսները, կռապաշտները այդպէս աղօթենց իրանց աստուածներին։ Նրանք կարծումեն թէ շատ խօսքեր ասելով շատախօսելով միայն կարող են մի բան հասկացնել իրանց քարի, երկամի, ոսկու և արծաթի աստուածներին, որոնք աչք ունեն՝ չեն տեսնում ականջ ունեն՝ չեն լառում, և ոչինչ չէ մտնում իրանց զլիսում։ Իսկ դու գործ ունես «աստուածների Աստուծոյ հետ, որ քո խնդրելուց էլ առաջ գիտի՝ ի՞նչ է հարկաւոր քեզ։

Շատախօսութիւնն էլ երկու տեսակ է։ Առաջին՝ երբ մարդս Աստուծուն աղօթելիս «Կալուցնում» է նրան թէ՝ ինչ է հարկաւոր իրան, ի՞նչ չէ հարկաւոր։ «Տէ՛ր Աստուած, ասումէ, չեմ ուզում քեզնից հարստութիւն, գանձ ու մեծութիւն. տուր ինձ առողջութիւն, և բա-

ւական է»: Մի և նոյն է թէ կաւը ասէր բրուտին՝ «ինձ-նից կարաս շինիր, ոչ թէ կճռւմ»:

Եւ այսպէս՝ ինչ որ իր կարծիքով իրան հարկաւոր է ու օգտակար, միայն այն է խնդրում, չմտածելով թէ ինչքան անմիտ է իր խնդիրը և ինչքան անսահման Աստուծոյ իմաստութիւնը, որ իրանից լաւ գիտէ իր օգուտըն ու վնասը: Քիզ չէ պատահել, որ երբ մէկից մի բան ենք խնդրել ու մերժուել է, մեր ուզածը չենք ստացել, փոխանակ տրամելու՝ ուրախացել ենք, որովհետեւ գործքով համոզուել ենք որ եթէ կատարուէր մեր խնդիրը, այս կամ այն կողմով պէտք է վնասուէինք: Եւ եթէ նա, որից կախուած էինք համարում մեր վիճակի բարելաւութիւնը, մեզ չկարեկցելով մերժեց, բայց գոհ մնացինք. ինչքան աւելի գոհ պէտք է լինենք մեր ստեղծողից, որ մերժումէ, մեր բարին ցանկանալով: Այս Աստուծոյ մի առանձին բարերարութիւնն է, որ շատ շատ անգամ մեր խնդրուածը չէ տալիս մեզ:

Երկրորդ՝ երբ աղօթողը վճռել է ունենալ մի բան և անդադիւռ ուզումէ սպանալ: Այդ ժամանակ նա, ինչպէս մի փաստաթան, աշխատումէ համոզել Աստուծուն որ անգատմառ տայ իրան, էլ չմտածելով թէ Աստուծ էլ կամենումէ տալ, թէ ոչ: «Տէր Աստուծ, ասումէ, օրը երկու անգամ ժամ գալով յօդնեցի, շատ ծունք գնելով՝ ծնկներս մաշուեցի, շատ արտասուելով աչքս կուրացաւ»: Երբ պէտք է հասցնես ինձ քո օգնութիւնը. ես արգեն հողի հետ հաւասարուեցի: Այսպիսի խնդրուածքով Աստուծուն դիմելը՝ անմոռութիւ-

նից էլ աւելի է. որովհետեւ դրանով խնդրողը մտնում է Աստուծոյ իրաւունքների մէջ:

Մեր խնդրեկիքը պէտք է լինի Աստուծոյ կամ+է համայացն: Մենք ոչ թէ պէտք է ասենք՝ Աստուծուած, ինձ սիս տուր, այն տուր՝ այլ՝ Դու լաւ գիտես՝ ինչ է հարկաւոր ինձ, ինչն օգտակար: տուր ինձ այն, ինչ որ համելի է քեզ, այնքան տուր, ինչքան կամենում ես. այն ժամանակ տուր, երբ կամենաս»: Եթէ Յիսուս՝ չարչարանքի բաժակն իրանից հեռացնելու համար աւելացնում էր: Բայց ոչ ինչպէս ես եմ կամենում այլ՝ ինչպէս դու, — մենք, տարակուսած մարդիկս, մեր ուզածը պէտք է խնդրենք: Իսկ սուրբերից մէկը ասումէր: Ես աւելի կը ցանկանամ մի չնչին որդ լինել Աստուծոյ կամքով քան թէ մի սերովքէ, իմ կամքով»:

\*  
\* \*

Մենք Աստուծուն պէտք է խնդրենք ոչ թէ շատախօսութեամք, այլ՝ պնդելուս-նւետամք, ինչպէս մի մուրացիկ որ՝ թէպէտ վրան ուշը գարձնող չկայ, սակայն երեսը պնդացնումէ և ձանձրացնելու չափ խնդրում: Մենք, երբ մեզ նեղացնում են, խնդրելով զայրանում ենք. բայց Աստուծ այն ժամանակն է զայրանում երբ նրան շատ չենք խնդրում: Յիսուս գրա համար մի գեղեցիկ օրինակ է բերում:

«Կարո՞ղ է լինել ասումէ, ձեր մէջ մէկ այնպիսի մարդ, որի զբացին կէս գիշերին գնայ մօտը և ա-

սի, Սիրելիս, բարեկամն հեռաւոր տեղից եկել է, ոչ ինչ յունի՞ ուտեցնելու. երեք հաց տուր, խնդրեմ՝ գնեմ առաջը, և նա պատասխան տայ՝ Այս կէս գիշերիս ի՞նչ հաց ուզելու ժամանակ է. գուռս փակ, երեխաներս էլ անկողնում քնուած, խնդրեմ՝ հանդիստ թողնես ինձ. չեմ կարող վեր կենալ և ուզածդ տալ: Ճշմարիտ եմ առումն աւելացնումէ Յիսուս, եթէ գրացիութեան պատճառով չտայ, գոնէ այնպէս երեսը պընդացնելու համար՝ վեր կը կենայ և կը տայ նրան իւր ուզածը»:

Եւ ի՞նչ է այդ քո բերած նմանութիւնը, Տէր Յիսուս. Դու բնութեամբ անքո՞ւն. իսկ քո առակի գրացին անկողնում ձգուած. Դու Խորայէլի անքուն պահապանը: Դու Յակովի տան ոչխարների արթուն Հովիւը, իսկ սա՝ քնի տարած. միթէ Դու Էլ ես քնում անքուն բնութիւն:

Եթէ քնկոտը՝ խնդրողի պնդերեսութիւնից ուզածը տուեց, միթէ արթունը չի տայ: Եւ որպէս զի մեզ հաստատի այդ մտքի մէջ և ձգտել տայ այդ միջոցով մեր խնդրածը ձեռք բերելու, Յիսուս մի երկրորդ օրինակ էլ է բերում: Այդ օրինակի մէջ՝ Աստուծոյ անհուն բարերարութեան մի փոքրիկ նմանութիւնը Նա ցոյց է տալիս ոչ թէ անկողնում ձգուած գրացու, այլ՝ դատաւորական աթոռի վրայ բազմած դատաւորի մէջ:

Մի դատաւոր կար, ասումէ, մի քաղաքում: ոչ Աստուծուց էր վախենում ոչ մարդոց ամաչում: Կոյն քաղաքում մի խեղճ այլի կին էլ կար, որ ամէն օր գը-

նում էր դատարան և դատաստան էր խնդրում իր թշնամու գէմ: Բայց դատաւորը երկար ժամանակ ականջ չէր գնում նրան: Նրա հոգը չէր թէ՝ թշուառ այրիի հարուստ գրացին նրա բոլոր կայքը չնչին պարտքի հաշւումը գրաւել էր, որբերի ձեռքից հացը խլել միակ ապաւէն խրճիթն էլ ձեռք գցելու վրայ էր: Անտէր, անօգնական այրին, որի կուրծքը տնքում էր անվերջ հառաջանքներից, որ շաս անգամ էր ընկել պարտատիրոջ սոտքերը և գթութիւն խնդրել այժմ էլ լուսանալուն պէս՝ վազում էր դատարան, դատաւորի խիզճըն էր թափում: Բայց նրա խիզճը թմրած էր, և նա մնում էր քարացած և խուր:

«Դատ արա թշնամուս գէմ» խօսքերը վերջապէս յոգնեցրին նրա լսելիքը, խայթեցին նրա խիզճը: Եւ մեր «անիրաւ դատաւորը», ոկսեց խելքը գլուխը հաւաքել և այսպէս մտածել. «Թէ և ես Աստուծուց չեմ վախենում և մարգուց չեմ ամազում, գոնէ այս պնդերես այրիից օձիքս թափ տալու համար՝ անեմ իր դատաստանը և ականջս հանդիստ պահէմ»: «Մտածիր հիմա ասումէ Յիսուս, եթէ անիրաւ դատաւորը խընդրողի պնդերեսութիւնից յօժարումէ վերջապէս կատարել նրա խնդիրը, հապա Աստուծած չի անցնի իր ծառաների, իր որդոց կողմը, որոնք «աղաղակում են առ Նա ի տուէ և ի գիշերի»:

Մի խօսքով՝ Աստուծած կամենումէ որ ազօթելով ձանձրացնենք իրան, խնդրենք մաւրացկանների պէս,

որոնք չեն դադարում ուզելուց, կրկնելուց, դուռը  
բաղխելուց, մինչեւ չեն ստանում:

\*  
\*\*

Աղօթելիս չպէտք է զարաջար խնդրել. ինչպէս Յա-  
կոբոս առաքեալն ասումէ «Խնդրումէք, բայց չէք ըս-  
տանում, որովհետև չարաշար էք խնդրում», դէպի ու-  
րիշները աններող գտնուելով էք խնդրում: Չարաշար  
խնդրողները կեղծաւոր, հայրտ, անողորմ մարդիկն են,  
որոնք իրանց աղօթքով աւելի բարկացնումեն Աստու-  
ծուն, քան թէ քաղցրացնում: Չարաշար խնդրողները  
նրանք են, որոնք խցում են իրանց ականջները՝ ուրիշ-  
ների խնդիրը լսելու համար. և այդպիսիների մասին  
Աստուծոյ օրէնքների մէջ կարդումենք պարզապէս,  
«Ո՛վ որ խցումէ իր ականջը, որ լսի տնանկին, նա ին-  
քըն էլ կ'աղաղակի առ Աստուծած, և չի լսի նրան»:

Երբ չարաշար աղօթողը իր համար է աղօթում:  
այնպէս աղացանքով ու պաղատանքով է խօսում: այն-  
պիսի համոզիչ լեզու է բանեցնում: որ կարողանայ հա-  
ւանելի անել Աստուծուն: «Աղաջում եմ ասումէ, Տէ՛ր,  
ողորմիր անարժանիս, քաղցր գատաւոր, բարերածը և  
մարդամէր, մի յիշիր իմ մեղեքերը, անտես արա իմ  
յանցանքները՝ եթէ արդարն ու մեղաւորը վնտուես, ով՝  
կարող է փրկուել»: Իսկ երբ նա, իր թշնամուց վիրա-  
ւորուած՝ գնում աղօթքի է կանգնում: իր խնդրուած-  
քը ուրիշ կողմն է շուր տալիս: «Տէ՛ր Աստուծած, ասում

է, անաչառ գատաւոր ես, անիրաւութիւնը՝ 7/ XI 1908 թ.  
մի ներիր իմ թշնամուս, թափիր նրա գլուխը արքունիկ Անկան\*  
կութեան կրակն ու կայծակը, արդար հատուցում արա:

Իսկ Աստուծած ինչ է պատասխանում: «Երբ քեզ  
լինեմ գատելիս, ուզումես որ քաղցր ու բարերար լի-  
նեմ: չյիշեմ քո մեղեքերը. իսկ երբ քո թշնամուն լի-  
նեմ գատելիս, ուզումես որ արդար ու անաչառ լինեմ:  
Չէ որ առաջ իրբե քաղցր գատաւորի է իր աղաղակում:  
իրբե մարդամիքի էիր համոզում իրբե անյիշաչարի ա-  
ղաչում, այս ինչպէս վոխուեցիր: Բայց լաւ իմացիր.  
անկարելի է որ դու ինձնից բարիք ստանաս, իսկ թշ-  
նամիդ՝ արդար հատուցում: որովհետև բարերարը գէ-  
պի ամենքն էլ բարերար է, և արդար գատաւորը գէ-  
պի ամենքն էլ անաչառ: Դեռ կարելի է, որ թշնամու-  
թեան հակառակ աղօթելիս՝ գատաւորիդ զայրացնես  
քո գէմ: Արդար գատաւորի աչքում երկուսդ էլ մէկ  
էք. Նա երկուսիդ խնդիրն էլ հաւասարապէս է քըն-  
ում:

Աղօթքը պէտք է լինի հաւատով: Մենք պէտք է  
խնդրենք հաւատով, հետեւնք յուսալով բաշխենք  
սիրով: Հաւատով յուսով և սիրով արած աղօթքն եր-  
կնքի բանալին է, որ բաց է անում Աստուծոյ ողոր-  
մութեան գուռը, ինչպէս յուսադրելով ասումէ Յի-  
սուս. «Ամէն բան, ինչ որ աղօթքի մէջ խնդրէք հաւա-  
տով, կը ստանաք»: Աղօթքը թոյլ է, եթէ յենուած չէ  
հաւատի վրայ. անհաւատ, անյօյս, անսիրտ աղօթքը  
անման է անձուիս խնկան, չի կարող բարձրանալ առ Աստ

ուած: Ի՞նչպէս ծերութիւնից ուժասպառ եղած մարդը շուտ շուտ այժում ընկնումէ, եթէ գաւազանի վրայ չէ հաստատուած. այնպէս էլ աղօթքը չի կարող Աստուծուն մօտենալ և մնալ, եթէ հաւատով չէ ամրացած: Այն ամէն մարդ, որ Յիսուսից օգնութիւն էր խնդրում՝ հաւատ ցոյց տալով՝ հաւատ՝ որ նրա զգացմանց, նրա խօսքի, նրա աղաչելու կերպի մէջ էր երեւում ստանում էր իր խնդրածը: Ամէն այդպէս խընդրով Յիսուս հասցնում էր իր օգնութիւնը, ասելով «ըստ հաւատոց քոց եղիցի քեզ»՝ այսինքն՝ քո հաւատը աւելի է շարժում իմ սիրտը, քան թէ քո խօսքը: Ահա դրա մի լաւ օրինակը:

Քանանացի հեթանոս կնոջ մէկը, դուրս գալով իրանց սահմաններից, պատահումէ այնտեղ Յիսուսին և աղաղակում, «Տէ՛ր, օգնիր ինձ. աղջիկս հիւանդ է, դեռտում է չարաչար, չկայ մէկը, որ բժշկի նրան, իմ ճարը դու ես, օգնիր»:

Բայց Յիսուս պատասխան չէ տալիս. Նա լուռ ու մունջ շարունակում է իր ճանապարհը: Կինը այժմ ըշտապով առաջ է ընկնում և փակում է նրա ճանապարհը, այնպէս որ Նա էլ չէ կարողանում առաջ գընալ: Նա տարածում է բազուկները դէպի Տէրը, ցոյց է տալիս նրան իր արտասուալից աչքերը, իր վշտալի դէմքը, իր մայրական պատառոտած սիրտը, աշխատում է շարժել նրա սիրտը իր կտրուած, խղուած, երկզոտ ձայնով: Խեղճ կինը մի բան է միայն աղաղակում՝ «Տէ՛ր, օգնիր ինձ»: Ուզում է ասել՝ Ես գիտեմ: որ իբրև հե-

թանոս կին, իրաւունք չունեմ յոյս դնելու քո օգնութեան վրայ. գիտեմ որ դու եկել ես միայն քո աչքի լի պէս սիրած Խորայէլ ժողովրդիդ համար. բայց, ինչ ուզում է՝ լինի, ում համար ուզում է՝ եկած լինես, ես չեմ թողնի քեզ:

Տէրը աւելի խիստ ու կծու կերպով է պատասխանում.

— Լաւ չէ որ երեխաների ձեռքից հացն առնենք, շներին տանք: Ես իմ ժողովրդի հացը օտարին չեմ կարող տալ. թող դեռ իմ ժողովրդը կշտանայ, տեսնենք յետոյ ձեզ համար էլ մի բան կը մնայ:

Յիսուսի սիրտը, մարդացած Աստուծոյ սիրտը, անկասկած, աւելի է արիւնոտուում: քան այն թշուառ կնոջ սիրտը, որ լսում է՝ ինչպէս իր խնդիրը մերժուում է, ինչպէս իրան համեմատում էն շների հետ. բայց և այնպէս «Հովուասէր շունը» ձեռք չէ վեր առնում չովուից, և ձայն է տալիս:

— Տէ՛ր, չէ որ շներն էլ իրանց տիրոջ սեղանից ընկած փշրանքներով են կերակրում: Աշխարհս օգնութիւն է ստանում քեզնից. միթէ միայն ես պէտք է սխալուեմ յոյսերիս մէջ. միթէ միայն ինձ պէտք է արձակես դատարկածեռն. միթէ դու ինձ համար ուրիշ բարիք չունե՞ս, քո՝ ամէն բարութիւնով լի սեղանից միթէ կտորներ, փշրանքներ չե՞ն մնացել. ինչո՞ւ զուր կորչեն այն փշրանքները, որոնց կարօտ չեն քո «Երեխաները»:

Յիսուս յաղթուում է. ոչ մի բառով չէ յանդիմա-

նում նրա թախանձանքը, ոչինչ խօսք չէ ասում նրա  
յամառութեան մասին. ընդհակառակը գովումէ նրան  
և ակամայ ձայն տալիս.

— Ա' կին, մեծ է քո հաւատը. թող լինի, ինչպէս  
ուզում ես:

Կինը գնումէ տուն, և որդուն գտնումէ բժշ-  
կուած:

Աղօթքը պատահական չպէտք է լինի, նա մի ներ-  
քին, հոգեկան պահանջ պէտք է լինի: Աղօթքին և  
շուտ շուտ աղօթելուն պէտք է վարժեցնենք մեր սիր-  
տրն ու հոգին. աղօթքը մեր սովորական պարապմանց  
կարգը պէտք է անցնի, եթէ ոչ ամէն անգամ հոգե-  
պէս նորոգուելու կարիք պէտք է զգանք, և ամեն անգամ  
նորից պէտք է սկսենք արդէն մի անգամ բռնած ճանա-  
պարհը: Կարելի է դու մտածես թէ՝ ինչպէս ժամանակ  
գտնեմ շուտ շուտ աղօթելու. Եկեղեցին էլ հեռու է,  
օրը երկու անգամ ինչպէս գնամ:

«Օրը եօթն անգամ պէտք է օրհնեմ քո անունը,  
Տէր, ասումէ Դաւիթը. սուրբ պարտքս պէտք է հա-  
մարեմ օրը եօթն անգամ քեզանով զբաղուել, քեզ  
յիշել, ամէն տեղ քեզ եմ տեսնում: քեզ եմ գտնում:  
թէ՝ երկնից բարձունքն եմ թեակոխում, քեզ այնտեղ  
եմ տեսնում: թէ՝ երկրի անդունդն եմ խորասուզուում,  
քեզ այնտեղ եմ գտնում: Իսկ եթէ անթիւ հոգսե-  
րով ճանրաբեռնուած թագաւորը ժամանակ էր գըտ-  
նում միշտ Աստուծուն յիշելու, օրը եօթն անգամ  
նրա հետ խօսելու, նրան աղօթելու, դու, որ նը-

րանից անհամեմատ շատ ժամանակ ունես, ինչով կա-  
րող ես արդարանալ:

Բացի սրանից՝ հրէայ աղօթողը շատ ծէսեր ունէր  
կատարելու: Նա պէտք է մտնէր տաճարը, առնէր կը-  
րակարանը, փայտ ու կրակ տանէր, առնէր գաշոյնը,  
կանգնէր զոհաբերութեան սեղանի առաջ և կատա-  
րէր ուրիշ շատ պարտականութիւններ: Իսկ քեզ դը-  
րանցից ոչ մէկն ել հարկաւոր չէ, ուր էլ որ լինիս, երբ  
էլ ուզենաս, ամէն տեղ ու ամէն ժամանակ հետդ է  
զոհն էլ զոհարանն էլ փայտ ու կրակն էլ, գաշոյնն էլ  
և այդ բոլորը դու ինքդ ես: Դոնապանն ես, կարող ես  
գուանդ մօտ կանգնած աղօթելո անդամալոյծ ես, կա-  
րող ես նստած տեղդ աղօթելո ուղեսոր ես, կարող ես  
ճանապարհիդ աղօթել: Հարկաւոր է միայն որ կամքի  
յօժարութիւն, հոգու տրամադրութիւն ունենաս. այն  
ժամանակ ոչ տեղը, ոչ ժամանակը և ոչ այլ ինչ՝ չի  
կարող քեզ արգելք լինել: Կարող ես ծունկ էլ չոգել  
կուրծքդ էլ չկոծել բազուկներդ էլ չտարածելո սրով-  
հետեւ Աստուծած տեղը, ժամանակն ու ձեւը չէ հար-  
ցնում: Նա միայն պահանջումէ վառվուուն սիրտ և  
ողջախոչ հոգի:

Մովսէս մարգարէն ձայնով չէր աղօթում բայց  
Աստուծած ասեց նրան. «Ի՞նչ ես աղաղակում :: Աս-  
մուէլի մայր Աննան շրթունքները չէր շարժում. բայց  
Աստուծած լսեց նրա աղօթքը: Խռէիս թագաւորը մահ-  
ուան անկողնում պառկած, երեսը գէպի պատը գար-  
ձրած՝ ջերմ հոգով Աստուծած աղաղակեց. Աստուծած

փոխեց նրա մահուան վճիռը, և նա առողջացաւ: Յօ-  
նան մարգարէն կիտի փորից աղօթեց, ողջ առողջ ցա-  
մաք դուրս եկաւ, Աստուծոյ գեսպանութիւնը կատա-  
րեց: Դանիէլ մարգարէն առիւծների գրից աղօթեց,  
և անվնաս դուրս եկաւ այնտեղից: Լուսաւորիչը խոր-  
վիրապի օձերի մէջ աղօթեց, առողջ դուրս եկաւ, ազգ  
լուսաւորեց:

Ով յուզումէ իր ուղեղը, ով արթնացնում է իր հո-  
գին, ով տեղափոխուումէ երկինք և այսպիսով Աստ-  
ուած իրանն է համարում: Նա այդպիսի սուրբ խօսակ-  
ցութեան մէջ վարժուելով՝ երեսը շուրէ տալիս կեն-  
սական բոլոր հոգսերից, երկրաւոր բոլոր հրապոյրնե-  
րից, և թեւաւորում: մարդկային կրքերից բարձր է  
կանգնում: Նրա աչքում՝ ցածում եղած մարդիկ ի-  
րանց մանր կրքերով ու չնչին հաշիւներով շատ փոքր  
են երեւում ուստի և չէ ուզում հաւասարուել նրանց:  
Եթէ այդպիսի մէկը աղօթելուց յետոյ իր թշնամուն  
տեսնի, էլ չի կարող նայել վրան՝ իբրև թշնամու վրայ.  
որովհետեւ աղօթքի վառած բոցը գեռ նրա սրառումն է,  
որտեղից հալածել այրել ոչնչացրել է ամէն չար ցան-  
կութիւն: Բայց որովհետեւ մենք, իբրև թոյլ արարած,  
կարող ենք անհոգութեան մատնուել ուստի, զգալով  
որ ժամանակ անցնելուց յետոյ մեզանում վառուող  
բոցը հետզհետէ սառչումէ, շուտով պէտք է աղօթքի  
գիմենք և տաքացնենք մեր սառած հոգին: Ինչպէս,  
երբ ճաշի նստած միջոցին նկատումենք որ կերակուրը  
սառել է, նորից գնումենք կրակի վրայ որ տաքանայ.

այնպէս էլ աղօթքի վրայ ինչպէս վառուած ածուխ-  
ների վրայ, պէտք է գնենք մեր շրթունքը և կըկին վա-  
ռենք մեր սիրտն ու հոգին բարեպաշտ մտքերով:

\*  
\* \*

Մենք, մարմնաւոր կեանքով ապրող մարդիկս, որ  
հուեորի մասին ոչինչ չենք մտածում: ուզումենք որ  
աղօթքը զգալի, տեսանելի, շօշափելի՝ կերպով մեր ցան-  
կացածը բերի մեր ձեռքը, մեր գրպանը դնի, մեր տու-  
նը, մեր այգին լցնի: Բայց այն ժամանակ էլ ի՞նչ գին  
պէտք է ունենար աղօթքը: Դու էլ կաղօթես, ես էլ  
կաղօթեմ: մեզ պէս հազարաւորն էլ կ'աղօթեն, ամէն օր  
կ'աղօթենք, ամէն ժամ կ'աղօթենք, և շատ էլ միմեանց  
հակառակ, մինչ անգամ անմիտ բաներ կը ինդրենք. ինչ  
կը լինի, թէ ամենիս խնդրածն էլ մեր ուզածի պէս  
կատարուի. բրուտը արե կ'ուզի, երկրագործը անձ-  
րե, — Աստուած որին պէտք է լսի: Եթէ ինչ որ մըտ-  
քովդ անց կացնես, իսկոյն կատարուի, այդպիսի աղօթ-  
քը ոչ թէ Աստուծուն որդիաբար սիրելուց կը լինի ա-  
ռաջ եկած, այլ՝ շահասիրութիւնից. և որ անխելքը չի  
աղօթի այնպիսի Աստուծուն, որ իսկոյն լսում ու ան-  
հաշիւ կատարումէ ամենքի ուզածը:

Մեր աղօթքի պատահանք մենք կը ստանանք մի-  
այն այն ժամանակ, երբ ունենանք կենդանի հաւատ:  
իսկ եթէ հաստատ հաւատ ունենալով էլ մենք անպա-  
տասխան մնանք, որ անկարելի է, ապա այդ կը նշանա-

կի՝ այն Աստուած, որ մեր սրտում դրել է աղօթելու կարիքը, մի այնպիսի Աստուած է, որ մեր մէջ սահմանել է քաղց՝ առանց կերակրի, ծարաւ՝ առանց զովացման, մի Աստուած, որ իր ստեղծածին ասումէ՝ Այսպիսի Աստուած եմ ես. դու միշտ պէտք է հարցնես, իսկ ես երբէք չպէտք է պատասխանեմ քեզ. դու միշտ պէտք է դուռս բաղխես. բայց երբէք չպէտք է բացուի քեզ:

Բայց այդպէս չէ. առ հասարակ մարդս ինչ խընդրումէ, ստանումէ: Եթէ դու ընկերոջդ համար մի վնասակար բան ես խնդրում: Ստանում ես. միայն ոչ թէ ընկերոջդ, այլ քեզ համար: Եթէ խնդրածդ Աստուածէլ քեզ օգտակար է համարում: տալիս է. իսկ եթէ միայն դու ես օգտակար համարում: այն ժամանակ Աստուած չտալով՝ բարիք է հասցնում քեզ: Տկար ես, առողջութիւն ես խնդրում: Աստուած քեզ չէ տալիս, ընդհակառակը ցաւդ ու վիշտդ աւելացնումէ: Չպէտք է կարծես թէ՝ դու լաւ բան խնդրեցիր, Աստուած քեզ վատը տուեց. որովհետև ցաւիդ սաստկանալը Աստուածդյ հաշուով աւելի էր օգտակար քեզ, քան թէ առողջանալդ: Այսպէս, Աստուած քո կամքը ուղղում է դէպի բարին, երբ անօգուտ առողջութեան փոխանակ՝ տալիս է քեզ օգտակար ցաւ: Մեր սուրբ հայրապետներից մէկը ասումէ. «թէ ստանանք մեր խնդրածը, թէ չստանանք ոչ միայն ստանալու, այլ և չստանալու համար. մտածելով որ երբ Աստուած չէ տալիս մեր ու-

զածը՝ դա քեզ բարերարութիւն չէ, քան եթէ տարութիւն մենք այնպէս լաւ չգիտենք թէ ինչն է մեզ օգտակար, ինչպէս նա գիտէ»:

\*  
\* \*

Տեսնենք, վերջապէս, թէ ինչ ա՛ չէ խնդրենք Աստուածուց: Մենք սովորաբար Աստուածոց խնդրում ենք երկրաւոր, ժամանակաւոր բարիք. երկնաւոր ու յաւիտենական բարիքները մոռանում ենք: Մոռանում ենք որ մենք այս «տրտմութեան հովտում» մի պանդուխտ ենք, մի ուղեոր, որ վաղ թէ ուշ՝ հասնելու է իր բընիկ երկիրը, իր հայրենիքը—երկինք: Մեր Աստուածուց, որ այսօր մեր Հայրն է, և վաղը մեր դատաւորն է լինելու, մենք խնդրում ենք շատ մանր մունիր բաներ. մեծերը թողնում ենք: Մենք պէտք է մեծերը խնդրենք, որովհետև մեծի մէջ փոքրն էլ կայ, բայց փոքրի մէջ մեծը չկայ: Այո, երկրաւոր, ժամանակաւոր բարիքները կարող ենք խնդրել միայն միշտ աւելացնելով՝ Եթէ հոգուս էլ օգտակար է. իսկ հոգեոր բարիքը պէտք է խնդրենք անպայման և համարձակ: Յիսուս ինքնէ սովորեցնում: «Ամենից առաջ, ասումէ, ինքը կայ Աստուածոյ արժայութիւնը, իսկ մնացած բարիքները ըստ ինքեան կը տրուին ձեզ»: Այս կողմից շատ լաւ օրինակ է հանդիսանում մեզ Սոլոմոնը:

Մի անգամ Աստուած երեւեցաւ նրան երազում և ասեց:

— Խնդրիր ինձնից, ինչ որ ուզում ես:

— Տէր, պատասխանեց Սողոմնը, դու ինձ թագաւոր գրիր մի մեծ ազգի վրայ. իսկ ես մի անփորձ երիտասարդ եմ: Խնդրում եմ քեզնից՝ տուր ինձ սուրբ սիրտ և իմաստուն միտք, որ կարողանամ բարին յարից զանազանել, և այս աշագին բազմութեան դատաստանը անել արդարութեամբ:

Աստուած ասեց.

— Որովհեաւ դու ինձնից ոյժ ու զօրութիւն, հառըստութիւն, փառք ու երկար կեանք չխնդրեցիր, այլ երկնային արքայութիւնը ժառանգելու համար՝ սրբութիւն և իմաստութիւն խնդրեցիր, այս պատճառով ես քեզ տալիս եմ ոչ միայն այն, ինչ որ խնդրեցիր, այլ և այն ամենը, ինչ որ չխնդրեցիր, ես քեզ տալիս եմ երկնաւոր ու երկրաւոր բարիքները միանդամայն: Ես կը տամ քեզ այնպիսի հոգի և իմաստութիւն, որ ոչ քեզ նմանը եղած լինի քեզնից առաջ, ոչ էլ լինի մէկը քեզնից յետոյ:

Եւ Աստուած կատարեց իր խոստումը. Սողոմնը եղաւ իմաստուն ոչ միայն թագաւորների, այլ և բոլոր Խորայէլի մէջ. Նրա իմաստութեան համբաւը հաստաշխարհի ամէն կողմերը, և գշխոյն հարաւոր - Սարբայի թագուհին, աշխարհի մի հեռաւոր ծայրից եկաւ Սողոմնի իմաստութիւնը լսելու: Եւ նրա իմաստուն խօսքերը այսօր էլ կարդացւում են մեր եկեղեցում:

Մեր եկեղեցական սուրբ հայրեն էլ, որոնք սքանչելի աղօթքներով զարդարել են մեր ամենօրեայ ժա-

մերգութիւնը, միշտ միայն երկնաւոր բարիքն են խնդրում. իսկ երկրաւորներից միայն այն բաներն են խընդրում, որոնցով կարող ենք ձեռք բերել երկնաւորը, այն է՝ հաւատ, յոյս, սէր և պատուիրանապահութիւն:

Ահա այդ խնդրուածներից մի քանիսը.—

Աստուած, որ լոյս ես և Արարիչ լուսոյ, բնակող անմատոյց լուսոյ մէջ, այս առաւօտեան լուսոյ ծագման բոպէներին՝ ծագիր մեր հոգու մէջ աստուածդիմութեան լոյսդ:

Տէր, ծածկիր մեզ քո ամենազօր Աջիդ հովանուտակ. զօրացրու մեզ սուրբ հոգովդ. պահիր մեզ աչքի լսի պէս:

Տուր մեզ շնորհէ, որ կարողանանք սիրել քեզ մեր բոլոր սրտով ու մտքով և մեր բոլոր զօրութեամբ կատարել քո պատուիրանքները:

Տէր, որ երից մանկանց աղօթքի զօրութեամբ Բաբելոնի հնոցի հուրը հանգցրիր երկնային ջրերիդ հեղիներով, թափիր մեզ վերայ էլ քո բարերար ողորմութեան ցողը և հանգցրու մեր յանցանաց հնոցի բոցը:

Տուր մեզ կարողութիւն, որ ուղիղ հաւատով և առաքինամէր վարքով ապրենք այս աշխարհում: և պարժանանանք երկնից արքայութեանդ:

Աղօթենք մենք էլ մեր շնորհալի ս. Ներսէս հայրապետի հետ.—

Աստուած իմ: որ բանաս զձեռն քո և լնուս զարարածս ողորմութեամբ քով. քեզ յանձն առնեմ զանձն իմ: դու հոգա և պատրաստեա զպէտս հոգւոյ և մարմնոյ իմոյ յայսմհետէ մինչև յաւիտեան:



## Բ Ա Ն Բ.

Եւ պահեալ զքառասուն տիւ Եւ զքառասուն գիշեր՝  
ապա քաղցեալ:

Մատթ. Դ. 2:



յնպիսի ժամանակներում ենք ապ-  
րում: Երբ փողի ու փորի թա-  
գաւորութիւնը՝ խլել է մարդուս  
գլուխ բանականութեան թագը  
և նրան իր բարձրութիւնից ի-  
ջեցրել՝ անբան անասունին է  
հաւասարացրել: Ինչքան մարդս  
մօտեցել է փողին, այնքան հեռացել է Աստուծուց: Ինչ-  
քան տաքացել է փողի վրայ, այնքան սառել է Աստու-  
ծուց: Իր Աստուածը նա փողի մէջ է փնտում:

և երբ մէկն ասում է՝ փողը երկրորդ աստուածն է»  
«առաջին աստուածն է» վրայ է բերում միւսը: Ինչո՞ւ:  
Որովհետեւ, հէնց որ լուսանում է՝ փողի մասին ենք  
խօսում: Փորի մասին մտածում:

Իսկ եթէ զեռ կան մարդիկ, որոնք լուսաբացին երես-  
ները դէպի արևելքը, դէպի շաղաթաթախ աղօթարա-  
նըն՝ ուղղած՝ աղօթում են, անկասկած, նրանք էլ փո-  
ղի ու փորի համար են աղօթում:

Բայց մարդս ստեղծուած է՝ աւելի բարձր, աւելի  
հոգեւոր կեանքով ապրելու, քան թէ ցած, մարմնա-  
ւոր կեանքով: Երբ մենք վերինը, հոգեւորը թողած՝  
անսանձ, անզուսպ կեանք ենք անցկացնում: Գրանով  
ցոյց ենք տալիս որ մեր կեանքի անասնական մասովն  
ենք ապրում: Ուր է հապա մարդկայինը: Երբ մենք հո-  
գին ու հաւատը թողել՝ մարմինն ու փողն ենք պինդ  
բռնել: Երբ հաւատի պատուէրները թողել՝ փողին ենք  
ծառայում: Երբ հոգու պահանջները մոռացած՝ մար-  
մինի պահանջներն ենք կատարում: — Ել ո՞րտեղ մնաց  
Աստուծոյ պատկերը, Աստուծոյ նմանութիւնը: Մեր  
բանական պատկերը անբան անասունի պատկերի հետ  
յենք փոխել արդեօք:

Ահա մի այսպիսի ապականուած ժամանակ, այս  
փողապաշտութեան, այս փորապաշտութեան ժամանակ,  
որ մեզ ջրհեղեղի ժամանակներն է յիշեցնում: Ռւտէ-  
ին, ըմպէին, կանայս առնէին և արանց լինէին»: Երբ  
փողատէրը պարարած, ճարպակալած՝ ամենակեր խո-  
զի կերպարանք է ստացել: Երբ մարմնապաշտ է՝ որո-

վայնի թաղանթները ստամբսի պատերն է լայնացնում։ երբ հէնց մեծ-պասի առաջին օրից վաճառանում և լի են ամէն տեսակ մնեղէնով ու ձկնեղէնով։ երբ որովայնամոլի կարմրատակած թշերից արիւն է կաթկաթում։ երբ չորեքշաբթին ու ուրբաթը ուրիշ օրերից ոչնչով չեն զանազանուում և պասը միայն օրացոյցներումն է գրուած, — մի այսպիսի մարմնապաշտ ժամանակ աչա ես ուզում եմ խօսել «պասուայ» մասին։

Բայց ի՞նչ է խօսում նրա մասին ինքը ժողովուրդը։ Ժողովուրդը, եթէ նոս չքաւոր է, աղքատ կամ նաշապետական ընտանիք, այնքան է սիրում ու գովում պասը, որ հաւատի շենքի հիմնաքարերից մէկն է համարում։ պահում է նրան սրբութեամբ և խստութեամբ։ գիտէ անգիր թէ՝ որ ամսին ինչ պաս է գալիս, որ տօնից յետոյ որ պասի բերեկենդանն է։ Նա քերան—փակէք ու քերան—բացէք էլ ունի, որի մասին ուրիշը հասկացողութիւն անգամ չունի։ Նա, մանաւանդ մեծ—պասի առաջին առաւտուր, եկեղեցում վուացարուք, սրբեցարուք լսելուց յետոյ՝ գնում տուն, մոխրածով այնպէս է լուանում մաքրում ու պասահան անում ամանները, որ խեղճ պղնձեղէնի հոգին էլ յետն է դուրս գալիս։ Նա պաս ուտելն ու թուրքանալը մէկ է համարում։ պաս ուտողը նրա աչքի—գրողն է։ Էլ լափի ու լուտանք չէ մնում որ նրա գլխին չժափի։ Գիւղացի ժողովուրդը մեծ—պասի առաջին օրը այնպիսի մի սրբազան ուրախութիւն է զգում։ ինչպիսին ջատիկ օրը։ Նրանք այդ օրը տնէ տուն մանգալով և

թերմ համբոյրներ տալով միմեանց՝ շնորհաւորում են պասը։

Ի՞նչ է ասում իր վիճակից գոհ վարթամը։ «Պասը յիմար բան է, մարդկանց հնարած բան է։ պասն էն է, ինչին որ ձեռքդ չէ համնում։ ի՞նչ է—լոբի ուտեմ՝ գրախտ կը գնամ միս ուտեմ՝ դժոխք կը գնամ։ Լոբին էլ, միսն էլ Աստուծոյ ստեղծած է, ուրբաթն էլ շաբաթն էլ—Աստուծոյ օրն է։ Կեր, եղբայր, ով է հարցնում—կեանքը առանց էն էլ՝ շատ կարծ է։»

\*  
\*\*

Ի՞նչ է նշանակում պաս։ Պաս կամ պահանց բառը գուրս է եկած պահէր բառից, որ նշանակում է պահեցողութիւն, պահել։ Բայց ի՞նչը պահել։ Պէտք է պահենք, այսինքն զսպենք մեր անձը, որպէս զի չժմրի, չքնի, չմեռնի մեր հոգին։ Ինչքան մարմինը գիրանում, զուարթանում է, այնքան հոգին նրա մէջ ճնշուում խեղուումէ։ Եւ որովհետեւ մեր բոլոր զգացմունքները բթանում քարանում են պարարտացնող կերակուրներից և գրգոիչ խմիչքներից, այս պատճառով սահմանուած է նաև կերակեղէնի պահեցողութիւն։

Պահեցողութեան նպատակն է՝ մարմինն ու զգայութիւնները մահացնել՝ հոգին ապրեցնելու համար։ Պահեցողութեան նպատակն է՝ մտքի մաքրութիւն և սրտի սրբութիւն։ Եւ որովհետեւ գրանց երկուսին էլ կարող է արատաւորել ու վնասել աչքի տեսողութիւնը, ականջի լսողութիւնը, լեզուի ասողութիւնը և այլն,

ուստի պէտք է դրանց վրայ էլ սահմանենք պահեցողութեան կանոններ։ Եթէ ոչ՝ անօգուտ բան է բերանով պահել։ իսկ միւս զգայարանքներով չզգուշանալ մեղքի առիթներից։ Պէտք է պահենք մեզ ոչ միայն կերտկրեղէնից, այլ և այն ամէն բանից, ինչ որ կարող է մեղքի պատճառ դառնալ։ իսկ նա, ով միայն կերակրեղէնի՝ պահքն է բռնում՝ առանց իր զգայարանքների վրայ պահապաններ դնելու, նման է այն մարդուն, որ մի կողմից պարիսպ է կանգնեցնում թշնամու առաջը, միւս կողմից տասը տեղ գուռն է բաց թողնում նրա համար։ Մի բան էլ կայ։ Քրիստոս գլուխն է, մենք—նրա մարմնի անդամները։ Ինչպէս Քրիստոս առաջ խաջուեց ու յետոյ փառաւորուեց, այնպէս էլ մենք՝ առաջ պէտք է մեր մարմինը պահքով ու ճնշելով խաչ հանենք, որ յետոյ արքայութեան մէջ Քրիստոսի հետ փառաւորուենք, ինչպէս առաքեալն է ասում։ Արպէս կցորդք եմք չարչարանացն, նոյնպէս և միխթարութեան։ Առանց չարչարանքի՝ փառաւորուել չկայ։ փշով պսակուած գլխի անդամներին՝ վարդի պըսակ չի վայելի։

\* \*

Շատերը պահքը արհամարհում են, ասելով որ՝ Հայրապետների սահմանած բան է, և Քրիստոս աւետարանի ոչ մի տեղում չէ հրամայում պաս պահել։ Առաջին՝ Հայրապետները ուղղակի իրանցից ոչինչ չեն

սահմանել, եթէ առաջուց սահմանուած չեն տեսել առաքեալներից, Յիսուսից, կամ եթէ հիմք չեն ունեցել սուրբ գրքից։ Եւ եթէ Հայրապետներն էլ սահմանած լինին, նրանց էլ պէտք է հնազանդուենք։ որովհետև քրիստոնեան պարտաւոր է հնազանդուել ոչ միայն Յիսուսին, այլ և Նրա հիմնած եկեղեցուն, ոչ միայն առաքեալներին, այլ և՝ նրանց օրինաւոր յաջորդներին, պէտք է պահպանի ոչ միայն Յիսուսի պատուիրանքները, այլ և՝ եկեղեցու պատուիրանքները։ Երկրորդ՝ Յիսուս, այս չէ հրամայում պաս պահել բայց յայտնի է՝ շատ վաղ էր սահմանուած հրէից մէջ, որոնք հինգշաբթին պահում էին ի յիշատակ այն բանի, որ Մովսէսը բարձրացաւ Սինա սարը, և երկուշաբթին՝ ի յիշատակ այն բանի, որ նա այնտեղից բերեց Խորայէլի ժողովրդի համար քարեղէն տախտակները։ Նոյն բանն է հաստատում Յիսուսի առակի փարիսեցին, որ գոռազբար պարծենում էր Աստուծոյ առաջ։ «Եաբաթը երկու անգամ պաս եմ պահում»։ Երրորդ՝ թէպէտա Յիսուս ուղղակի չէ հրամայում պաս պահել բայց նա ոչ միայն ընդդէմ չէ պահեցողութեանը, այլև շատ տեղ գովում է պասը և նրա փրկարար ներգործութիւնը, օրինակ, երբ Յիսուսի մօտ բերին բժշկելու մի դիւահար, որին աշակերտները չէին կարողացել բժշկել նա ասեց։ «Այս տեսակ հիւանդութիւնը ուրիշ բանով չէ բժշկելում» այլ միայն աղօթքով ու պահքով։

Շատերն էլ չեն պահում։ պատճառ բերելով թէ Քրիստոս ասել է «Ինչ որ մտնում է բերանը, այն չէ պըսակ

ծում մարդում»։ Եթէ այդպէս է, ուրեմն, Քրիստոս  
ինքն է մեղքի ճանապարհները սովորեցնում, և խրա-  
տումէ որ մենք աւելի անհաշիւ ուտող—խմող լինինք,  
աւելի որովայնամոլ լինինք, քանթէ հրէարք և հեթա-  
նոսները, որովչետեւ առաջին մեղքը և մեր մահուան  
գլխաւոր պատմառը՝ եղաւ որկրամալութիւնը։ Սրա հա-  
կառակ, ընդունելով որ պահքը շատ օգտակար բան է,  
Քրիստոս, ազօթքի հասին խօսելուց յետոյ խօսումէ  
պահեցողութեան կերպի մասին, ասելով. «Բայց երբ  
գու պահելիս լինես, մի պահիր կեղծաւորների նման,  
որոնք աղտոտումեն իրանց երեսը և տրտում կեր-  
պարանք են ստանում։ Որ մարդկանց երեան, թէ պա-  
հում են։ Այլ գու՝ օծիր գլուխդ անուշահոտ իւզով, մա-  
քուր լուա երեսդ, որ արածդ դրսից երենալու նպա-  
տակով չլինի»։

Մենք ամէն տեղ Յիսուսի ասածի ոգին պէտք է  
հասկանանք, ոչ թէ միայն խօսքերը։ Երբ Նա ասումէ  
որ՝ բերանը մտած կերակուրը չէ պղծում մարդուս,  
այդ այն մտքով է ասում։ Որ աւելի պարզ ցոյց տայթէ  
չարութեանց բոյնը՝ մարդուս սիրունէ։ Եւ հենց միե-  
նոյն տեղում Նա աւելացնում է թէ՝ «Անլուայ ձեռքով  
հաց ուտելը՝ չէ պղծում մարդուս»։ Միթէ գրանով  
Յիսուս հրամայում կամ հաւանումէ որ մենք աղտոտ,  
անլուայ ու անմաքրասէր լինենք։ Ինքը չէ՞ր, որ վեր-  
նատանը լուաց իր աշակերտների ոտքերը։ Եթէ մաք-  
րութիւնը հարկաւոր էր ոտքերին, միթէ աւելի հար-  
կաւոր չէր ձեռքերին, որոնցով պէտք է ուտէին զատ-

կական գառը։ Պարզ է որ Յիսուս միշտ այն մտքով է  
խօսում որ արտաքին սրբութիւնը մի առանձին նշա-  
նակութիւն չունի, ներքին սրբութիւն է հարկաւոր,  
սրտի սրբութիւն է հարկաւոր։ Իսկ սրտի սրբութիւնը,  
մտքի մաքրութիւնը, հոգու կենդանութիւնը պահպան-  
ուումէ ոչ թէ անհաշիւ ուտելի խմելով, այլ՝ պահեցողու-  
թեամբ։

Պահեցողութիւնը կարեւոր պարտք է համարուած  
ոչ միայն Քրիստոսից սկսած, այլ և Նրանից հարիւրա-  
ւոր տարիներ առաջ՝ պահումէին սրբութեամբ սուրբ  
Հոգով լցուած մարդիկ, աստուածատես, աստուածա-  
խօս մարդարէք։ Աւելի յետ գնալով տեսնում ենք, որ  
պահքը ամենից առաջ սահմանել է ինքն Աստուած։ Հէնց  
որ ստեղծուեց առաջին մարդը բանական արարածը,  
իսկոյն հետը սկսուեց և պահքը, այնքան պահեցողու-  
թիւնը հարկաւոր էր նրան։ «Այս բոլոր ծառերի պը-  
տուղը կարող ես ուտել, բայց այս մէկ ծառի պտուղը  
չուտես»։ Ահա ինչ ասեց Աստուած Ադամին։ Որ  
և գեղեցկապէս երգումէ մեր Շնորհալի հայրապետ  
սուրբ Ներսէսը։ «Որ զօրէնս սրբութեան պահոց՝ նախ  
գրախտին աւանդեցեր»։ Տէ՛ր Աստուած, ասում է, պահ-  
քը սրբութեամբ պահելու օբէնքը, ամենից առաջ գու  
գրախտումը տուիր։

Մէկ մտածիր հիմա. Եթէ պահքը հարկաւորեց  
փափկութեան դրախտի մէջ, ինչքան աւելի հարկա-  
ւոր է մեզ այս փշոտ աշխարհում, այս հրապոյրների,  
այս մեղքերի աշխարհում։ Եթէ պահքը հարկաւոր-

ուեց առաջին անմեղ մարդկանց, փորձութեան հանդիպելուց առաջ՝ ինչքան աւելի հարկաւոր է մեզ, մեղաւորներիս, այն փորձութեանց աշխարհում: Եթէ վէրը ստանալուց առաջ հարկաւորուեց սպեղանին (գեղը), ինչքան աւելի հարկաւոր է՝ վէրք ստանալուց յետոյ: Եթէ մեղքը մեր դէմ զինուելուց առաջ՝ զէնք հարկաւորուեց, ինչքան աւելի այդ զէնքը հարկաւոր կը լինի մեզ՝ մեղքի դէմ դուրս գալու ժամանակ:

Պահեցողութեան զօրութիւնն ես ուզում իմանալ: Ասա տեսնեմ ի՞նչպէս պատահեց, որ Դաւիթը մարդարէական շնորհը ստացաւ. — պահեցողութեամբ: Ինչով Աննան կարողացաւ մարդարէանալ Յիսուսի մասին. — Նրանով որ գիշեր ցերեկ ծառայում էր տաճարում աղօթքովու պահքով: Ինչի՞ համար Յափանէ՛ Մէրտիկը «Մեծի ծնունդս կանանց» կոչուեց Յիսուսից. — իր պահեցողութեան համար: Ի՞նչն էր պատճառը, որ անառակի պարձաւ իր հօր տունը. — պահեցողութեան զօրութիւնը: «Ես, ասումէ, այստեղ սովից մեռնում եմ»: Եթէ ստիպողական քաղցը, եթէ ակամայ պահքը այդ քան փրկարար եղաւ, ինչեր չի անի կամաւոր պահքը:

\* \*

Քրիստոսից յետոյ պահեցողութեան օրէնքը սըրբացրին նրան սուրբ առաքեալները, պահելով ու պահել տալով ամեն շաբաթ՝ երկու օր, Զատկից առաջ էլ քտաւուն օր: Առաքեալները ասում են քեզ. Ո՞վ անարդ

կաւ, ազատն Աստուած քեզ համար, քո փոխարէն քոնուեց և իր հրաշագործ ձեռքերը քո պատճառով կապուած՝ մատնուեց հրէից ձեռքը. երկինք ու երկիր ստեղծողը, քեզ մեղքի գերութիւնից ազատելու համար: Կախուեց Գողգոթայի անարդ փայտից և խաչուեց, քո հոգին կենդանի պահելու համար՝ իր հոգին աւանդեց. այս պատճառով քեզ վրայ սուրբ պարտք ենք դնում՝ չորեքշաբթին պահել Յիսուսի մատնութեան յիշատակի և ուրբաթը Նրա խաչելութեան ու մահուան յիշատակի համար. այլև քառասնօրեայ պահք ենք սահմանում: և եկեղեցու սուրբ սեղանը ծածկում քո աչքից, ինչպէս Աստուած Աղամին դրախտից դուրս գցելուց յետոյ՝ փակեց Նրա առաջ փափկութեան դրախտի գընները, որպէս զի սուրբ պահեցողութեամբ պատրաստես քեզ Քրիստոսի սուրբ յարութեան արժանանալու համար:

Քառասնօրեայ պահքը շատ խօրհրդաւոր է: Քառասուն տարի տեսեց Խարայէլաց պանդխատութիւնը անապատում: մենք էլ քառասուն օր պահելով երկնային զատիկը պէտք է տօնենք. չէ՞ որ մենք էլ պանդուխտ ենք այս երկրում և մեր աւետեաց երկիրը՝ երկինք: Քառասուն տարի մեղանչեց Մանասէ թագաւորը, Աստուած նրան միայն քառասուն օր տուեց՝ սպահարելու. «Օր ընդ տարւոյ եղի քեզ» ասում է. մի տարւոյ մեղքիդ գէմը՝ մէկ օր պահք գրի: Քառասուն տարուայ մեղքիդ գէմը՝ մէկ օր պահք գրի: Զատկից առաջին Նինո-Եացչին երեք օր ծոմ կենալով. թագաւորը իջաւ գահից, քուրձ հագաւ, մոխրի վրայ նըս-

տեց, մարդ ու անասուն ոչինչ չկերան, ոչինչ չխմեցին, առ Աստուած աղաղակեցին։ Ողորմելի էր այն հարուստ ու բազմամարդ քաղաքի տեսքը։ Եղների բառաշը, ոչխարների մայոցը, անասնոց կաղկանձը, մանեկանց ու կոսնանց ողը ու լացի հետ խառնուած՝ աշխարհը էր գղրդում քարեր սասանեցնում։ Եւ պահքը փրկարար եղաւ։ Աստուած հաշտուեց մարդու հետ։ Նինուէն չկործանուեց։ Մավուն ու Խշիան էլ քառասուն օր պահեցին։ մէկը՝ սարի վրաց, միւսը՝ ճանապարհին։ Ինքը աշխարհի Փռէն էլ, քառասնօրեայ պահքով պնդուելով՝ պատրաստումէր թշնամու դէմ։ «Եւ պահեալ զքառասուն տիւ և զքառասուն գիշեր՝ ապա քաղցեաւ»։ Ի՞նչ եմ լսում տէր, միթէ քեզ էլ է հարկաւորել պահքը։ միթէ Դու էլ ես պահեցողութեան կարիք զգացել։ Դու, որ առատ ձեռքդ բաց ես անում և լցում, լրացնում բոլոր արարածների պէտքերը, դու էլ ես քաղցել։ Այս գիտեմ միտքդ։ Դու պարտք ունէիր վճարելու, չես ուզեցել պարտական մնալ։ Առաջին Ադամը չը կարողացաւ պահել իրան, չկարողացաւ պահել Աստուծոյ հրամանը, կերաւ արգելուած պըտուղը, իսկ Դու՝ երկրորդ Ադամդ, պահում ես՝ նրա պարտքը վճարելու համար։ Նա կերաւ, մահ մտցրեց աշխարհ։ Դու պահում ես, որ կեանք տաս քաղցած աշխարհին։ Նա փորձուեց սատանայից և չպահելով՝ յաղթուեց։ Դու եկար փորձուեցիր նրանից և խաղք ու խայտառակ անելով՝ յաղթեցիր։ Ի՞նչ գեղեցիկ խրատ մեզ համար, — պահքով զինուել թշնամու դէմ, և միշտ նոյն թըշ-

նամու դէմ։ Ինչպէս երգում է շարականը։ «Այսօր պահօք ճշմարտութեան ելցուք ի լեառն սրբութեան ընդ Քրիստոսի՝ պատերազմիլ ընդ թշնամոյն»։

Իրանք առաքեալները ինչպէս պահեցին։ Պօղուը պահեց շատ շատ անգամ։ Պէտքառը գրեթէ ոչինչ չէր ուտում։ միայն օրը մի գանկի լուրիա։ Մատթեուը բանջարով ու ընդեղէնով էր կերտկրուում։ Յակովուը մնից ու գինուց իսպառ հրաժարուեց։ — Նախնի քրիստոնեաց մեզ պէս տեսակ տեսակ պասուայ կերտկրուներ ու խորտիկներ չէին ուտում։ այլ բաւականանումէին միայն հացով ու աղով որից և մեծ պահքը կոչուեց աղուհաց։

Պահքը մի սանձ է, որով հոգին կառավարումէ մարմինը, ինչպէս կառապանը ձիերին, և չէ թողնում որ մարդս ընկնի։ Պահքով հանգչումէ սրտի բոցը, պահքով հալածուումէն հեշտութիւնները և թողնում ցանկութիւնները։ «Պահքը, ձայն է տալիս մեր առաջին հայրապետ սուրբ Լուսաւորիչը զօրացնում է մեր հոգեսը կեանքը և խափանումէ մարմնաւոր անկարգութիւնները։ որովհետեւ մէկի զօրանալու միջոցին՝ միւսը տկարանումէ։ Ինչպէս որ լեշակեր թուզունները, անխնայ ուտելուց, դժուարութեամբ են թուզում և հեշտութեամբ որսացուում։ իսկ սակաւակերները արագաթուիչ են և դժուար—բռնելի։ — այնպէս էլ որկրամով ու չափաւոր մարզն է։ Պահքը հզօր պարիսպ է և ամուր դուռ, որ խափանումէ խորամանկ թշնամու մուտքը։ Պահքը հանգցնումէ ցանկութեանց բորբոք-

ուած հուրը. որովհետեւ ինչպէս որ կրակը՝ փայտի պակասէլուց հանգչումէ, այնպէս էլ որ կրամոլութիւնն ու արբեցութիւնը պակասելով՝ ցանկութեանց բոցը հանգչումէ, և նրա տեղը բորբռքուումէ սրբութիւնն ու արդարութիւնը՝ պնդեալ պահքով: Պահքը՝ տիտերի ծովահուի ալիքների դէմ՝ մի խաղաղ նաւահանգիստ է. և ամէն վտանգից ազատ պահելով՝ հասցնումէ կեանքի նաւահանգիստը:

Բայց, ովք պահեցողութեան իսկական նպատակը հասկանումէ, չպէտք է տանջի մարմինը, այլ պէտք է զրկի նրան այն ամէն վայելքներից, որոնք անվայել են մեր քրիստոնէական կեանքին: Մարմինը մի բեռն է, որ պէտք է թեթեացնել՝ նաւը ազատելու համար: Մարմինը մի գերի է, որ միշտ կամենումէ տէր լինել: Քրիստոնեան պէտք է խիստ վարուի իր մարմնի հետ: Եւ սրա համար ոչ թէ պէտք է մի օր պահել հինգ օր չպահել, այլ պէտք է շարունակ պահել հարկաւոր է պահել ամէն օր, ամքողջ կեանքում: Մի ժամանակ Եփեսոս անունով մի քաղաքում, անկարգ կերուխումի ետելից ընկած բազմութեան մէջ, մեծ աղմուկ բարձրացաւ: Ազմուկը դադարեցնելու համար՝ խնդրեցին Հերակլիտոս անունով վիլիսովիային որ մի բան խօսի ժողովրդին: Կռապաշտ վիլիսովիան բեմ բարձրացաւ, վեր առաւ մի բաժակ, սառը ջուր լցրեց, գցեց մէջը մի քանի հատ ոսպ ու սիսեռ, և խմելով այդ խառնուրդը՝ հեռացաւ հրապարակից, առանց մի խօսք ասելու: Մրանով ուղումէր ասել թէ՝ աղմուկների առաջն

նելու համար՝ պէտք է հեռու պահել ժողովրդին անհաշիւ կերուխումից և չափաւորութեան մէջ կրթել նրան:

\*  
\* \*

Երբ մարդուս բնութիւնը իրան հարկաւոր եղած ուտելիքն ու խմելիքն ուղումէ, դա քաղց է ու ծարաւ: բայց երբ հարկաւոր եղածը ստանալուց յետոյ՝ էլի է ուղում ուտել խմել — դա ոչիշաճութենէ: Առանց ուտել խմելու, ի հարկէ, չենք կարող ապրել նշանակումէ՝ պէտք է ուտենք խմենք՝ ապրելու համար: ոչ թէ ապրենք՝ ուտել խմելու համար: Անչափ ուտել խրմելուց շատերն են մեռնում: բայց քիչ ուտելուց ոչ ոք չէ մեռնում: Պէտք եղածից աւելի ուտելը ոչ թէ սնունդ է, այլ՝ թոյն և ամէն հիւանդութեան պատճառ: ի՞նչ էր պատճառը, որ հին ժամանակ մարդիկ ապրումէին ուժ հարիւր, ինն հարիւր տարի: սուրբ գիրքը պատասխանումէ՝ «Մարդուս կեանքը պահուումէ հացով ու ջրով», այսինքն՝ պարզ ու հասարակ սնունդով: Այն ժամանակուայ մարդիկ միս չէին ուտում: տեսակ տեսակ կերակուրներ չէին ուտում: կերածները հաց էր ու պտուզ, խմածները՝ ջուր: Մարդիկ յետոյ հնարեցին համով կերակուրները և ընտիր, թանկագին խրմիչքները, որոնք պատճառ դարձան կեանքի հետզհետէ կարճանալուն: «Որկրամոլութիւնից շատերը մեռան, ասումէ սուրբ գիրքը, իսկ չափաւոր ուտող խմողը՝ իր

կեանքն է երկարացնում։ Վենետիկցի մի հարուստ աղնուական՝ չափաւոր կեանք անցկացնելու մասին մի գիրք ունի գրած, որի մէջ իր մասին պատմումէ թէ՝ մինչև եռեսուն հինգ տարեկան դառնալը՝ անչափ ուտել խմելու պատճառով, միշտ հիւանդոտ կեանք է անցկացրել, միշտ գեղերի կարօտ։ բայց երբ սկսել է ուտել խմելուն չափ դնել, էլ ամենաին հիւանդութիւն չէ ունեցել և ապրել է իննուն հինգ տարի։ Իսկ մի բժիշկ, որ հարիւր քառասուն տարի ապրեց, երբ հարցնումէին այդքան երկար ապրելու պատճառը, պատասխանումէր. «սեղանից այնպէս եմ վեր կենում որ դեռ ախորժակ եմ ունենում ուտելու»։

Բայց վատն այն է, որ որկրամոլութիւնը ոչ միայն մարդուս առողջութեանն է վնասում։ կեանքը կարճացնում այլ և զանազան մեղքերի պատճառ դառնալով, հոգին էլ է սպանում։ «Գիրացաւ, ստուարացաւ և լայնացաւ, ասումէ սուրբ գիրքը, և եթող զտէր Աստուած՝ զԱրարից իւրա։ Ուտել խմելով փորն ու գլուխը հաստացրեց, ասումէ, և իր Ստեղծողից հեռացաւ։ Իսկ կերուխումի տնից մինչև անառականոցը՝ մի քայլ է։ Այս պատճառով, երբ սուրբերը մարմնական փորձութիւն էին զգում, իսկոյն ծոմէին կենում սովորական կերակուրներից էլ հեռու էին կենում։ և այդպիսով իրանց ներսի կրակը մարում։ Անչափ կերուխումի հետեանքը այնքան վնասակար է մեր հոգեոր կեանքին, որ զրա գէմ ինքը Յիսուս էլ է ձայն բարձրացնում։ «Զգոյշ լերուք անձանց, գուցէ ծանրանայցեն»

սիրտք ձեր շուայտութեամբ և արբեցութեամբ։ Զգուշացէք, ասումէ, ցինի թէ ուտել խմելուց միտքներդ պղտորուի, սիրտներդ ծանրանայ, հոգիներդ թմրի. որովհետեւ կարող է պատահել որ յանկարծ վրայ համի ձեզ մահը, այն էլ ոչ միայն ժամանակաւոր, այլև յաւիտենական մահը։ Յիսուս ոչ միայն զգուշացնում է չափազանց ուտել խմելուց, այլև վայ է տալիս։ «Վայ ձեզ, որ յագեալքդ էք»։ Վայ ձեզ, ասումէ, որ կերել կշտացել էք, վայ ձեզ, որ Աստուած թողել, փորին էք ծառայել։ վայ ձեզ, որ կեանքի խաչերը թողած՝ նրանոր փափուկ կեանք էք ստեղծում ձեզ համար։ Յիսուս վայ է տալիս, Պօղոս առաքեալը՝ բացատրում։ «Զի այդպիսիք տեառն մերոյ Քրիստոսի ոչ ծառայեն, այլ իւրեանց որովայնին»։

\* \*

Որկրամոլի միւս տեսակ արքէցազն է, որի համար ոչ այնքան ուտելլը որքան խմելլը մի պահանջ է գարձել։ Արբեցողը անասունից էլ վատթար է. որովհետեւ եթէ փորձես նրան չափից աւելի խմեցնել, սպանես էլ ցի խմի միայն մարդըն է որ բաւական խմելուց յետոյ՝ պատրաստ է նորից խմելու։ Պէտք է տեսնել թէ մեր եկեղեցական հայերը ինչ փառաւաոր անուններ են տալիս արբեցողութիւնը կամաւոր գիւղարութիւն է, անօրէնութեան մայր և ամեն առաքինութեան թշնամի։ Միւսը թէ՝ գինովութիւնը մի

ախորժելի գիւահարութիւն է, մի անուշ թոյն և ծանր մեղք. որովհետեւ գինովացածը ոչ միայն մեղք է գործում, այլև ինքը հէնց ոտքով գլխով մեղք է:

Այս, արբեցողը մարդկութեան նախատինք է:  
Մարդուս կատարելութեանց մէջ ամենից մեծն ու ազնիւր՝ իր խելքն ու բանականութիւնն է: Խենթը՝ խելք ունեցողի ամէն արածն անումէ. բայց որովհետեւ բանականութիւնը կորցրել է, վրան խղճումենք: Ո՞քան աւելի թուք ու մուրի է արժանի այն թշուառականը, որ իր կամքով է զրկում իրան այդ մեծ կատարելութիւնից—բանականութիւնից: Աստուծոյ թանկագին սկարդմից. բայց բանականութեան կորուստից աւելի բարոյական անկումն է մեծ կորուստ: Արբեցողը ամենից առաջ կորցնումէ կանոնաւոր աշխատելու սովորութիւնը: Տեսնումես՝ մարդը առաջ գործունեայ, աշխատող, իր ոտքին,— գլխին նայող մի մարդ էր. բայց գիշուու սիրուց գարձաւ անչոգ, ծոյլ, սրիկայ: Ակրու աշխատանքից կտրած, որդոց, ընտանիքի հոգոը մտքից հանած՝ ինչ ասումեն, ինչ ուզումեն, ամէն բանի էլ «բան չունեն», ասելով՝ թրել է գալիս մի գինետնից միւս գինետուն, և իր կրքին բաւականութիւն տալու համար՝ ոչ մի բանից չէ քաշուում: ոչնչից չէ հրաժարում: Ահա թէ ինչ տեղից է առաջ գալիս ընտանիքի կործանումը, աղքատութիւնը և յանցանքներ գործելու եռանդը:

Եթէ գերեզմանները բացուեն, հազարաւոր մարդիկ կը յայտնեն մեզ, որ իրանց կրած վշտերի ու թշուա-

ռութեանց մեծ մասը՝ առաջ է եկել անչափ գինի և օղի գործածելուց: Հաշուել են՝ որ անձնասպանութեան չորս գէպքից մէկը կատարուումէ գինի ու օղի գործածելուց: աղքատանտուր երեք գէպքից երկուսը առաջ է գալիս արբեցութիւնից. բանտերում եղած երեք կալանաւորից երկուսին, գինին ու օղին է ներս խրկել այնտեղ: Խելագարութիւնը, յանցանքները առաջ են գալիս արբեցութիւնից: Գողութեանց, սպանութեանց և գատարաններ քաշըշուելու գլխաւոր պատճառը՝ արբեցութիւնն է: Առար գիրքը Կսայի մարդարէի բերանով վայ է տալիս արբեցողներին, «Վայ նրանց, ասում է, որոնք լուսանալուն պէս՝ գինետներն են շտապում»: Իսկ Պողոս առաքեալը աւելի կարճ ու խիստ է խօսում: «Արբեցողը զարքայութիւնն Աստուծոյ ոչ ժառանգեն», որովհետեւ արբեցութիւնը ամէն չարութիւն, ամէն անառակութիւն անել է տալիս մարդուս: Եւ այդ բոլորը առաջ է գալիս ինչից:— Նրանից, որ մարդիկ մոռացել են թէ ինչ է նշանակում պահի:

Ցիսուս, աղօթքի մասին խրատելուց յետոյ, շատ յարմարապէս իսկոյն պահքի մասին է խօսում: ցոյց տալու համար որ գրանք իրարից անբաժան պէտք է լինին: Սուրբ Ուկելերանն էլ է ասում: «Տկար է աղօթելն՝ առանց պահոց»: Թոյլ է աղօթքն, ասումէ, եթէ պահքը նրան չէ ամրապնդում: Հէջու:— Որովհետեւ աղօթելիս մենք հոգեւորապէս ենք նուիրուում Աստուծուն: Իսկ պահելիս նուիրուումնենք թէ հոգով ու թէ մարմնով, որով լինումէնք Աստուծուն մատուցած մի անուշահոտ ողջակէզ, և մեր զոհը լինումէ կատարեալ:



## Բ Ա Ն Գ.

Ապաշխարեցէք, եւ հաւատացէք յաւետարանն:

Մարգ. Ա. 43:



ինչև կոկորդը մեղքի մէջ խրուած մարդկութեանը՝ Յիսուս երկու հըրաման է արձակում—ապաշխարել և հաւատալ աւետարանին: Բայց աւետարանի շատ խրատներ, Յիսուսի շատ պատուիրանքներ, Եկեղեցու շատ պահանջներ մեր ժամանակում միայն գրքերում ենք տեսնում, Եկեղեցում լսում իրօք ոչ մի տեղ չեն պահպանուում: Ազօթքից սառած ժողովրդից, պահեցողութիւնը մառացած քրիստոնէից, մեղքը արհամարհող մարդուց

ի՞նչ ունինք զարմանալու որ ապաշխարութեան չէ դիմումի մեղքերը չէ զղջում: Այս աշխարհասէր ժողովրդի մէջ աւելի հեշտ կարելի է գտնել իրանց հոգու վրայ հսկող իրանց անմեղութիւնը պահպանող մարդիկ: Քան թէ ապաշխարող մեղաւորներ: Այն մարդը, որ չէ զգում թէ վէրք է ստացել, ի՞նչ կը մտածի ըսպեղանիքի մասին: Նաև, որ չէ խոստովանում որ ինքը հիւանդ է, ինչ կարիք ունի բժշկի դիմելու: Մեղքն ու մեղանչելը՝ եւ հոգի կորցնող բան չէ թուում մեզ, ուստի սովորական երեսոյների կարգն է անցել: Կայ այնպիսի մարդ, որ կամ մտածութեամբ, կամ խօսքով, կամ գործքով մեղանչելիս չինի: աւելի ճիշդն ասենք: Կայ այնպիսի մի քրիստոնեայ, որ հէնց այդ երեք կերպովն էլ մեղանչելիս չինի: Կարող ենք մէկ օր մթնեցնել: Կարող ենք մի քայլ փոխել որ՝ կամ ազքներովս չտեսնենք մեղքը, կամ ականջներովս չլսենք: Ո՛չ և ոչ: Անցել են այն ժամանակները, երբ մեղքը ծանր էր գործողի համար, զզուելի՝ լսողի համար, սոսկալի՝ տեսնողի համար: Իսկ այժմ մեղքը իր բոլոր կեղասու, տպականից կողմերով գործուում է մեր ազքի առաջը, հրապարակի վրայ, բարի լուսի հետ, և սակայն տեսնում ենք անտարբեր, անյնում ենք անուշաղիր: Բայց սուրբերից մէկն ասում է, «Եթէ ես գիտենայի թէ իմ մտքի մի խորհուրդը, իմ սրտի մի ցանկութիւնը, իմ ձեռքի մի գործքը ուզգակի առ Աստուած չպէտք է նայի, Աստուծոյ ուզածի պէս չպէտք է շարժուի,—կը ցանկանայի, որ ոչ միտք ունենայի, ոչ սիրտ, և ոչ ձեռք»:

Դանակի, սրի հարուածը մարմինն է վիրաւորումն լեզուի, խօսքի պատճառած վիշտը՝ սիրտն է վիրաւորում բայց մեղքի հարուածը՝ հոգին է վիրաւորում ու աղտոտում։ Եթէ հոգին կարելի լինէր տեսնել, ամօթից պէտք է կարմրէինք, տեսնելով նրան սեացած, բծերով լի, ուսոյցքներով պատած և զազրատեսիլ։ Եթէ մարմնի բարձրութեան և ոսկրների կարծրութեան միջովը երեւումէ նրա տգեղութիւնը, ինչ կը լինէր, եթէ մերկ լինէր։

Մեղքի տուած վնասները շատ շատ են։ Եթէ մի քաղաքում մահը կոտորած է անում, թէպէտ շատերն են մեռնում, բայց շատերն էլ ազատումեն։ Եթէ մրրիկը կարկոտահար է անում մի այգի և վնասում շատ պտուղների, շատերն էլ մնումեն անվնաս։ Եթէ ծովը ալեկոծում է և մի քանի նաւ խորտակում, մի քանիսն էլ ազատում են։ Բայց երբ մեղքը մոռնում է մեր հոգին, ամէն լաւ բան աւերում, ամէն բան ոչընչացնումէ։ Մեղքը ոչ միայն մեր մարմինն է քայլայում, մեր հոգին ապականում, այլ և Աստուծուն է վիրաւորում։ Եթէ մէկը փշացնումէ թագաւորի պատկերը կամ նշանաւոր նկարչի մի նկարը, նա դրանով վիրաւորումէ թագաւորին, նկարչին։ Իսկ Աստուած երկնային թագաւորն է և ամենքի նկարիչն ու արուեստաւորը։ ուրեմն մեղքը, որ մեղանում Աստուծոյ պատկերն է փշացնում։ Աստուծուն է վիրաւորում։ Եթէ մէկը քաղաքում օրէնքի հակառակ, աղմուկ է բարձրացնում անկարգութիւն անում։ նա դրանով բար-

կացնում է ոստիկանութեանը։ իսկ մեղքը Աստուծոյ օրէնքներին հակառակ գնան է, ուրեմն մեղքը բարկացնում է Աստուծուն։

Մեղքը այրում չորացնում է մեր հոգու ջերը, փշրում խորտակումէ մեր խորհուրդների ոսկրները, և փչում մարումէ մեր մտքի լոյսը։ Եթէ մեղքը մեր ամենասիրելի բարեկամին սպանեց, մէնք էլ նրան մեր ամենագլխաւոր թշնամին պէտք է համարենք։ Մեր «Տիրոջն ու Ուսուցչին» սպանողին մեզ սպանող պէտք է համարենք, այս պատճառով պէտք է զինուենք նրա գէմ մեր բղոր ուժով ու հնարներով։ Իսկ եթէ յաղթուենք կոռուի մէջ, ապաշխարութեան պէտք է դիմենք։

Աստուած շուտ չէ աչքից գցում մեղաւորին։ Նա ամէն հնար ու միջոց տալիս է նրան՝ դարձի գալու համար։ և շուտ չէ ձեռք վեր առնում նրանից։ Մանաւէ թագաւորին քառասուն տարի ժամանակ տուեց։ Ջրհեղեղի գարու մեղաւորներին՝ հարիւր տարի, իսրայէլացոց ազգին՝ հազար հինգ հարիւր տարի։ Բայց սոսկալի պատիժ է, եթէ Աստուած թողնումէ մեղաւորին իր մեղքերի մէջ։ Եթէ ձեռք է վեր առնում նրանից, թողնելով որ իր սրտի ուզածն անի։ Եւ վայ այն մեղաւորին, որի բանը յաջող է գնում աշխարհում։ նշան է թէ զոհ պէտք է գնայ Աստուծոյ բարկութեանը։ «Այս ինչ բան է, աղաղակումէ երեմիա մարգարէն, որ չարերի ճանապարհները յաջողուած են։» Բայց շուտով էլի ինքն է պատասխանում։ «Գիտեմ, գիտեմ, ով Աստուած, դու նրանց ժողովում ես կոտորելու համար։

Մեղքերի բեռերից թեթևանալու միակ միջոցը՝ ապաշխարութիւնն է; Եթէ միայն մարդս, զգալով իր մեղաւորութիւնը, ուզդուել Աստուծուն մօտենալ է կամենում։ Ապաշխարութիւնը զղջացողի համար երկրորդ աւազան է։ Ինչքան որ քրիստոնեայ չեղող մարդու հարկաւոր է մկրտութիւնը, այնքան էլ մեղաւոր քրիստոնէն հարկաւոր է ապաշխարութիւնը։ Որովհետեւ թէ մէկով և թէ միւսով մեղքերը լուացուում է։ Զուրն ու տնձրել տեսանելի կրակն են հանգցնում։ Իսկ ջերմ արցունքը, մեղքի կրակն է հանգցնում։ Ապաշխարութիւնը՝ զղջացող մարդու վրէժխնդրութիւնն է, որով նա պատժում է իր անձը։ Իսկ նա, որ ապաշխարութեան չէ դիմում մեղքի վրայ մեղք է դիզում։ մինչև որ կը պատժուի անհանգչելի կրակով։ Մարդս գտնըուում է Աստուծոյ և արարածների մէջ տեղը. իր ձեռքին է՝ Աստուծոյ կողմը լինել կամ արարածների կողմը։ Եւ նա անպատճառ կամ Աստուծոյ կողմն է, կամ արարածների։ Երբ մէկը ծանր կերպով մեղանջում է, այն ժամանակ նա մէջքը դարձնում է Աստուծոյ կողմը։ Երեսը արարածների կողմը, աւելի արարածներին սիրելով, քան նրանց Արարչին։ Իսկ երբ մէկը զղջում է իր մեղքը, այն ժամանակ նա դառնում է առ Աստուծած, գարձնելով մէջքը արարածների կողմը։

Մանր բան է մեղքի մէջ ընկնելը։ բայց աւելի ծանըը է մեղքի մէջ մնալը, վատ բան է վէրքերով խոյուտուիլը։ բայց աւելի վատ է վիրաւորուած մնալը, բըշչի ցոյց չտալը։ Մարմնաւոր ցաւերի ու վէրքերի

համար բժիշկը դառը դեղեր է տալիս, այրում է մեր վէրքերը։ բայց հոգեւոր բժիշկը՝ սուրբ եկեղեցին, մեր հոգեւոր վէրքերի վրայ այնպիսի զովացուցիչ բալասան է գնում որ առանց երկար տանջելու՝ մի ըոպէում վէրքերը բժշկում է։ Մարմնաւոր հիւանդութեանց համար դեղերի ու բժշկի փող պէտք է տալու եթէ մի բժիշկը չէ օգնում միւսին պէտք է դիմենքու շատ անգամ մեր տեղում բժիշկ չկայ՝ սարեր պէտք է կտրենք, ծովեր պէտք է անցնենք, ուրիշ երկրներում բժիշկ ու դեղ վնտունք։ շատ անգամ էլ այնպէս է պատահում։ որ ողջ աշխարհը պտըտում ենք, բայց բժիշկ ու դեղ չենք գտնում։ Իսկ մեր հոգեւոր հիւանդութիւնները բժշկելու համար, այդ նեղութիւններից ոչ մէկը չէ հարկաւոր, բժիշկն էլ է մեր կողքին, դեղն էլ. և ոչ թէ մեր կողքին, այլ հէնց մեր մէջն է։ Հոգեւոր վէրքերի դեղը՝ սրտի խորքից դուրս եկած հառաջանքն է, արտասուրի երկու կաթիլն է. Հոգեւոր դեղը երկու խօսք է՝ մեղաւոր եմ; տէր. Աստուծած, քաւիր ինձ մեղաւորիս։

\*  
\* \*

Շատ մարդ, զգալով որ ինքը խրուած է անթիւ մեղքերի մէջ, ամենեին չէ էլ մտածում նրանց միջից դուրս գալու մասին. և զգալով որ ինքն արդէն կորած է, մտքովն էլ չէ անց կացնում ապաշխարելը, թողութեան ոչինչ յոյս չունենալով։ Բայց շատ կը սխալուենք, եթէ այդպէս դատենք։ Երկնաւոր դատաւորը՝ երկրա-

ւոր դատաւորի պէս չէ դատում։ Երկրաւոր դատաւորի  
հոգը չէ թէ մէկը, օրէնքի դէմ մեղանչելով, ծոռւել է  
ուղիղ ճանապարհից և իր համար սե ու մութ ապա-  
գայ պատրաստել։ նա յիշումէ օրէնքի յօդուածը, դա-  
տաստան է անում և արժանաւոր պատիժը տալիս։  
Բայց երկնաւոր Դատաւորը միշտ ներելու մասին է մտա-  
ծում։ երկնաւոր Հովհաննելով՝ մոլորեալ ոչխարի հոգումն  
է։ երկնաւոր Հայրը՝ անառակ որդու գարձին է սպա-  
սում։ «Մեղաւորի մահը չեմ ուզում ես» ասումէ։

Աւրեմն, թող ոչ ոք չասի թէ՝ սխալուեցի, խաբուե-  
ցի, ոտքով գլխով կորայ, էլ փրկութեան յոյս չկայ,  
ընկայ, կործանուեցի, էլ կանգնելու յոյս չկայ. խա-  
ւարեցի, կուրացայ, էլ աչք բաց անելու հնար չկայ. վի-  
րաւորուեցի, մեռայ, էլ յարութեան յոյս չկայ։ Նա, որ  
չորս օրուայ թաղուած Ղազարոսին յարութիւն տուեց,  
միթէ քեզ, որ կենդանի ես, չի կարող ոտքի կանգ-  
նեցնել։ Նա, որ իր սուրբ արիւնը խաչի վրայ թափե-  
լով փրկից քեզ քո առաջին ծնողների մեղքից, աւե-  
լի հեշտ չի փրկի քեզ քո սեպհական մեղքերից։ Ոչ  
չպէտք է կտրես փրկուելուդ յոյսը։ յուսահագունիւնը  
վտանգաւոր է։ Այն հիւանդը, որ բժշկուելու յոյսը  
չունի արգէն ինքն է հեշտացնում իր քայլայսելու<sup>\*</sup>  
ինքն է մօտեցնում իր մահը։ իսկ այն հիւանդը, որ յոյս  
ունի բժշկուելու, ինայումէ իր անձը և դեղ ու դար-  
ման է վինտուում։ Այն աւաղակը, որ թողութիւն ստա-  
նալու յոյս չունի, աւելի յանդուգն է գառնում և ուղ-  
ղակի գէպի կորուստն է դիմում։ իսկ նա, որ թողու-

թեան յոյս ունի՝ զսպումէ իրան, ուղղումէ իրան։ Քո  
մեղքերի շատութիւնը չի կարող յաղթել Աստուծոյ ո-  
ղորմութեանը. քո վէրքը, քո հիւանդութիւնը չի կա-  
րող այնպիսի վէրք, այնպիսի հիւանդութիւն լինել որ  
«իմաստուն և ճարտարապետ բժիշկը» չկարողանայ բժ-  
ժկել։ Ուրեմն, մեղանչեցիր. մի կտրիր յոյսդ. Աստ-  
ուած մարդասէր է։ Ադամն բանի տեղ չգրեց Աստու-  
ծոյ պատուիրանքը, իր կամքը առաջ տարաւ. Աստուած  
չէր կարող իսկոյն և եթ փոշի դարձնել նրան։ Բայց  
բաւականացաւ նրան դուրս գցելով դրախտից և նրա  
գիմացը բնակեցնելով, որ լաւ տեսնի ու իմանայ թէ՝  
ինչ տեղից, ինչպիսի փառքից ու պատուից ընկաւ. որ  
տեսնի ամէն օր և ապաշխարութեան կարօտանայ,  
կրկին իր տեղը գառնալուն արժանանայ։ Կայէնը ըս-  
պանեց իր եղբօրը. բայց Աստուած չսպանեց կայենին.  
այլ թեթև պատիժ տուեց նրան։ «Երերուիս ու տա-  
տանուիս, ասեց, աշխարհիս վրայ հանգստանալու տեղ  
չգտնես»։ Ի՞նչքան մեծ էր յանցանքը. բայց ինչքան  
փոքր՝ պատիժը։

\* \* \*

Փրկուելու, թողութիւն ստանալու Ճանտապարհը  
Քրիստոս ինքն է ցոյց տալիս։ Ապաշխարելու համար  
Նա մի ճանապարհ չէ տալիս, որ չինի թէ՝ հեռու է,  
քարոտ է, փշոտ է ասելով՝ դժուարացնես ապաշխա-  
րութիւնը։ Նա մի քանի ճանապարհ է տալիս քեզ. մէ-

կը չես հաւանում: միւսովը գնայ: ամենքն էլ մի տեղ  
են տանում:

Ապաշխարելու առաջին, կարճ, ուղիղ ու հանգիստ  
ճանապարհը զզառան է, մեղքի խոստովանուելն է: Խոս-  
տովանուիր մեղաւորութիւնդ այստեղ և եթ քո ներ-  
քին դատաւորի, քո խղճի առաջը, քո մէջդ, որ-  
պէս զի յետոյ ստիպուած զինիս տիեզերքի մեծ հը-  
րապարակի վրայ, երկնաւոր Դատաւորի առաջը մեր-  
կացնելու քո ծածուկ պահած մեղքերը:

Դրա համար քեզ զզմամբ ապաշխարելու մի օրի-  
նակ տամ: Եւ որ տեսնես թէ ամէն կարգի ու աստի-  
ճանի մարդ էլ մեղանչում ու ապաշխարումէ, և մա-  
նաւանդ թէ շատ մարդ՝ իր մեղքից անհամեմատ մեծ  
ապաշխարանքի տակ է գցում իրան, ես պէտք է զը-  
նեմ քո առաջը ոչ թէ մի սովորական ապաշխարողի,  
մի հասարակ մահկանացուի, այլ՝ տէրութեան գահի  
վրայ բազմած, թագով պատկուած, միլոնաւոր ժողո-  
վը հրամայող մի թագաւորի ապաշխարութիւնը:  
Եւ եթէ իմանաս, որ այդ թագաւորը միենոյն ժա-  
մանակ Աստուծոյ սուրբ Հոգով լցուած մի հոյակապ  
մարգարէ է, այն մեծ մարգարէն, որի խօսքերի վրայ՝  
իբրև անդին մարգարակի, իբրև մեղքի խորիսի վրայ  
հաւաքուեցին աշխարհիս բոլոր հայրապեաները և, ա-  
գահաբար յափշտակելով, եկեղեցու թանկագին սեպ-  
հականութիւնը շինեցին, առաւօտ, ձաշ ու երեկոյ նրա  
խօսքերը հնչեցրին քրիստոնէից ականջին:— այն ժա-  
մանակ գու աւելի կարիք կը զգաս նրա օրինակից ամա-

չելու, նրա փորձից ոգեսորուելու: այն ժամանակ գու  
տեսած կը լինես ճշմարիտ ապաշխարողի մի ամենալաւ  
օրինակը:

Այդ մեծ ապաշխարողը Դաւիթ թագաւորն է, իս-  
րայէլի մարգարէն, հոգեոր բանաստեղծը, իր ոսկե-  
թել քնարի լարերի վրայ Աստուծոյ գործքն ու անունը  
փառաւորող երկնային աշուղը: Ի՞նչ էր դրա մշտը:—  
շնութիւն և սպանութիւն: Մարգարէն ոտքի տակ տը-  
ռեց Աստուծոյ երկու պատուիրանքը՝ Մի շնար, մի ըս-  
պանաներ: Խլեց օտարի կինը և մարդուն սպանել տուեց  
պատերազմի գաշտում: Այդ ժամանակ Դաւիթը քա-  
ռասուն ինն տարեկան էր և տասն հինգ տարուայ թա-  
գաւոր:

Ողջ երուսաղէմը գղրդուեց, այդ անսպասելի լու-  
րը լսելով՝ բարի մարգիկ արտմեցին, չարերը խնդացին: Իսկ Դաւիթը մօտ մի տարի մնաց իր մեղքի մէջ, և  
ունեցաւ մի որդի: Եւ, քանի որ նա խնդում ու ցնծում  
էր նորածին մանկան վրայ, քանի որ նա արքած էր  
մեղքից և ինքն իրան կորցրել, ահա Աստուծուած ուզար-  
կեց նրա մօտ Նաթան մարգարէին: Եկաւ հասաւ վեր-  
քի բժիշկը՝ մարգարէն՝ մարգարէի մօտ, հպատակը՝  
թագաւորի մօտ:

Նաթանը նրան ասեց:

— Մի քաղաքում բնակումէին երկու մարդ, մէկը  
այնքան հարուստ էր, որ իր անասունների ու նրանց  
տեսակների թիւն անգամ չգիտէր: իսկ միւսը՝ այնքան  
աղքատ, որ մի գառն ունէր միայն: Նա այդ գառը աշ-

քի լսի պէս էր սիրումն ուստի և իր աղքատիկ կերա-  
կըրից էր մասը հանում նրան, խմեցնում՝ էր իր միակ  
ամանից, և անկողին մտնելիս՝ նրան իր ծոցումն էր  
քննեցնում: Մէկ օր մի ճանապարհորդ՝ հիւր եկաւ  
հարստի տունը: Հարուստը քար կտրուեց, սիրտ չարեց  
իր հիւրի համար մի ոչխար մորթելու խլեց աղքատից նրա  
հոգու հատոր գառնուկը, մորթեց և նրա մնից կերա-  
կուր պատրաստեց իր հիւրի համար:

Դաւիթը, որ գեռ չէր հասկացել այս առակի միտ-  
քը. բարկացաւ ու գոռաց.

—Աստուած գիտէ, որ այդ անխիղճ հարուստը  
չարագործ է և մահուան արժանի. իսկ մորթած գա-  
ռան փոխանակ՝ կը վճարի եօթնպատիկը:

—Այն հարուստ մարդը դու ես, թագաւոր, ասեց  
Նախանը. ինքու վճռեցիր քո պատիժը:

Մարգարէի այս խօսքերը սուր նշտարի պէս ծա-  
կեցին թագաւորի սիրտը. երկիխղից լեզուն կապուեց  
և միայն այսքանը ասեց, —Մեղայ, տէր:

Նախանը շարունակեց.

—Այսպէս է ասում Աստուած. Ես քեզ օձեցի  
խօսայէլի թագաւոր. Ես աղատեցի քեզ Սաւուղի ձեռ-  
քից, Ես հպատակեցի քեզ խօսայէլացոց բոլոր տասներ-  
կու տոհմը: Եթէ այս քիչ է, գրանից աւելին կտնեմ:  
Իսկ զու ինչու անարգեցիր իմ պատուիրանքները, Դու  
կինը խլեցիր և մարդուն անողորմաբար սպանել տուիր:  
Այս պատճառով սուրը չի հեռանայ քո տնից, աղգու-  
տակով կը ջնջեմ քեզ:

Սարսափած Դաւիթը ասեց դողալով.  
—Ես մեղանչեցի Աստուածոյ առաջը:  
—Իսկ Աստուած ներումէ քեզ, վրայ բերեց Նա-  
թանը, դու չես մեռնի:

Բայց Դաւիթը ջբաւականացաւ դրանով: Նա հանեց  
թագաւորական ծիրանին և քուրձ հագաւ, իջաւ սովոր  
աթոռից և նստեց չոր գետնին, մոխրի վրայ: Նիշա-  
րեցրեց իր անձը պահքով: ուտումէր մոխրախառն կե-  
րակուր, խմումէր արտասուախառն գինի. գիշեր ցերեկ  
լաց ու կոծով ու յօրդահոս արցունքով կուրացրեց իր  
աչքերը, որոնք մեղանչելու առաջին պատճառն էին  
գարձել. և թէպէտ միայն մի գիշերուայ մեղքով աղտո-  
տեց իր ամուսնական անկողինը, բայց այն աղտը լուա-  
նալու համար՝ քանի կենդանի մնաց, ամէն գիշեր ար-  
ցունքով թրջեց իր անկողինը: Եւ այդ անումէր այն մըտ-  
քով, որ՝ ինչպէս իր արարքից իր ողջ տէրութիւնը գայ-  
թակուեց, այնպէս էլ ուզումէր որ ամենքն իմանան  
իր բոլոր սրտով առ Աստուած գառնալը:

—Տէր, իմ մեղքը ամէն րոպէ աչքիս առաջն է,  
ասումէր: Ուզումէ ասել. թէպէտ դու քո անչափ ո-  
ղորմութեամբ թողիր իմ մեղքը, բայց ես չեմ մոռանայ  
երբէք: Յիշումեմ այն կինը, որին խաթեցի, յիշումեմ  
նրա ամուսինը, որին սպանել տուի, յիշում եմ ժողո-  
վուրդը, որին գայթակղեցրի. յիշումեմ այս բոլորը և  
ողքում:

Դաւիթը, Աստուածոյ ողորմութեանը արժանանա-  
լու համար, շատ բան կարող էր յիշեցնել նրան: Նատ-

անգամէր պատերազմել նա հեթանոսների դէմ; շատ անգամ ի սէր Աստուծոյ ներել էր իր թշնամիներին, զարմանալի բարեպաշտութեամբ պատուել էր ուխտի տապանակը և այլն; Բայց նա դրանցից ոչ մէկը չիշեց, գիտենալով որ՝ երբ մարդ մի անգամ մեղանչումէ, արած բոլոր առաքինութիւնները ոչնչանում են:

Դաւիթը աւելի այն պատճառով էր իրան մեղաւոր ճանաչումն որ ուրիշ շատ բարիքների հետ՝ Աստուծած տուել էր նրան մարգարէական ոգի, և տուել էր այնպէս առատ—առատ, որ նա ոչ միայն Խորայէլի, այլ և «մարգարէից թագաւոր» է կոչուում:

— Աչքդ հեռացրու իմ մեղքերից, տէր, առումէ նա, որով կարծես Աստուծուց խնդրում է որ պարտապանի ձեռագրի պէս՝ ոչ թէ իր մօտ պահի, որ ամէն կարգալիս՝ ստիպի նրան պարտքը վճարել, այլ բոլորովին ջնջի, պատռտի, որ էլ իրաւունք չունենայ պահանջելու:

\* \* \*

Հնացող թագաւորից յետոյ ահա և մի շնացող կին, Մարիամ՝ Մագդաղենացի: Դա իր երկրում ամենքին յայտնի մի հրէայ կին էր, շատ մեղքերի տէր: Տեսաւ իր մեղքերը, սոսկաց, հառաջեց և վճռեց դառնալ առ Աստուծած և էլ չբաժանուել նրանից: Հէնց որ նա լսեց թէ Յիսուս ճաշի է հրաւիրուած փարիսեցի Աիմոնի տանը, իսկոյն դնաց, սոտքն ընկաւ. ոչինչ դժուարու-

թիւն, ոչինչ արգելք չկարողացաւ նրա ճանապարհը փակել: Փոքր բան չէր նրա պէս մի աղնուական կը-նոյ համար՝ ապաշխարողի զգեստով երեալ այն քաղաքում: որտեղ ամենքին յայտնի էր իր վարքը. հեշտ չէր՝ առանց կանչուելու երեալ սեղանի վրայ, բոլոր հիւրերի առաջ, մի հպարտ փարիսեցու դիմացը, որ նրան պէտք է անարգէր գրա համար: Բայց նա՝ մեղքերի սաստիկ խայթից, գրանցից ոչ մէկը բանի տեղ ըլդրեց, և իր մէջ ասեց. «Մեղաւոր երեալուց չամաշեցի, ապաշխարող երեալու համար պէտք է ամաչեմ: Աստուծուց չվախենալով՝ ինձ աշխարհին յանձնեցի. ինձ Աստուծուն յանձնելու համար՝ աշխարհից պէտք է փախենամ»:

Այս պատճառով իր աչքերը, որ անպարկեշտ բաների նայելու վրայ էր բանեցրել, իր մեղքերը լալու վրայ բանեցրեց, իր արցունքով թրծելով Յիսուսի ոտքերը. մազերը, որ իրեւ գլխի զարդ էր բանեցրել, Յիսուսի ոտքերը սրբելու վրայ բանեցրեց. անուշահոտ իւղը, որով իր մազերն էր օծում թափեց Յիսուսի գըլիխն. ոտքերը, որոնցով գէշ ճանապարհներն էր գնում: Յիսուսի արքայութեան նեղ ճանապարհը գնալու վրայ բանեցրեց: Մի խօսքով՝ Մարիամը որոշեց վարքը ուղղել, ոուրք կեանք անց կացնել, և արեց: Թողեց իր ծանօթները, որոնց էլ չերեւեցաւ երբէք, ապաշխարողի զգեստ հագած՝ Յիսուսի ետեխից գնաց և ամենև ին չհեռացաւ նրանից՝ մինչեւ Գողգոթայի անգութ տեսարանը, մինչեւ խաչի վրայ հոգին աւանդելը, մինչեւ գերեզման իջնելը:

Եւ Յիսուս, հաւանելով ու գովելով՝ դարձի եկող այդ կնոջ արարքը՝ ասեց այս նշանաւոր խօսքը. «Ամէն աշխարհում ուր էլ որ քարոզուի իմ աւետարանը, ուր էլ կարդացուի իմ հրաւէրը դէպի երկնային արքայութիւնը, թող յիշուի և այն, ինչ որ արեց դա, մահիցս առաջ՝ օծելով իմ մարմինը»։ Եւ այն օրից քարոզուում է Մարիամի արածը՝ ու կը քարոզուի միշտ։

Արժէ լսել թէ մեր սուրբ հայրերն ու հայրապետ-

ները ի՞նչպէս են ուզում որ ցոյց տանք մեր մեղքերի ծանրութիւնը։ Ահա ի՞նչ զգացմունկներ են ծնեցնում նրանք մեր սրտում; ի՞նչ խօսքեր են: դնում մեր բերանը։

«Արարած աշխարհ, վրաս նայեցէք, ախտակից եղէք. երկինք ու գետինք, եկէք ողբացէք եղկելի անձըս, չարեաց ցանկութիւնը ցաւալի տեսքով ցաւեցըրեց աչքերս, յանցանքիս վէրբերով վշտանումէ հոգիս, վարանեալ շրջում եմ: ցեխի մէջ խրուած՝ թաւալուում եմ մեղքի մէջ, թօթափել չեմ կարում. հոգով մեռած եմ: մոլքով մոլորուած, մարմնով կամ միայն: Թշնամին հանապազ ինձ կամենումէ կորցնել, իսկ դու, տէր իմ: այց արա մոլորեալ ոչխարիս: Իմ անօրէնութիւնքը գրլիցոց էլ վեր են բարձրացել ու ծանր բեռան պէս՝ դըռուած են սրտիս վրայ, իսկ դու, տէր, յիշեր որ բարերարութեանդ պատկերն եմ: Կեանքի ծովը հանապազ ինձ ալէկոծումէ, նաւս ընկզմելու վրայ է, նաւապետ բարի, հասցրու ինձ աջդ: Մեղքերիս շատութիւնից ար-

ժանի չեմ վերև նայելու, երկնից բարձրութիւնը տեսնելու, ամենակալ տէր, թող ինձ իմ մեղքը»։

\* \*

Ապաշխարութեան երկրորդ ճանապարհը՝ «Եւն յանցանութը ներելն է: Քրիստոս պարզապէս պայման է դրնում մեզ հետ. «Եթէ, ասումէ, դուք կը ներէք ու բիշներին իրանց յանցանքը, ձեր երկնաւոր Հայրն էլ կը ների ձեր յանցանքը. իսկ եթէ դուք չէք ների նրանց, ձեր երկնաւոր Հայրն էլ ձեզ չի ների»։ Այս է այն պայմանը, որով կարող ենք թողութիւն ստանալ Աստուծուց. ոչ թէ մարդու կողմից առաջարկուած պայման, այլ ուղղակի երկնքից, ուղղակի այն սրտից, որ ներելը սովորեցրեց մեզ աշխարհի միակ ամբիմնից—խաչի վրայից: Քահանայք ծաղրում էին, ժողովուրդը՝ հայհոյում, աւազակը՝ անարգում: և այդ բոլորի դէմ Գողգոթայի վրայ ոչինչ տրտունջ չէր լսուում: ոչ մի գանգատ, ոչ մի յանդիմանութիւն. լսուումէր միայն մի աղօթք՝ նրանց մեղքը ներելու մասին։

Բայց մեզ վշտացողներին, մեր սիրուը խոցողներին ներելու համար՝ հինգ գլխաւոր բան չպէտք է մոռանանք: 1) Ներել աւանց բացառութեան. այսինքն՝ առանց յիշելու այն պատճառները, որոնցից առաջ է եկել քո խէթըն ու ատելութիւնը դէպի քեզ վիրաւորողը: Արապատճառն այն է, որ քանի դու յիշում ես ատելութեանդ պատճառները, այնքան նորոգում ես ատելութիւնդ. և փոխանակ ստացած վէրքդ ներողամոռութեան

Ճիթով բժշկելով՝ դու թէ քո և թէ ուրիշի սրտում  
նոր նոր վէրքեր ես բաց անում։ 2) Ներել ամեն անդամ։  
Հրէաները երկու անգամ էին ներում, երրորդ անգամ  
հարուածի տեղ հարուած էին տալիս, վէրքի տեղ՝ վէրք։  
Իսկ Պետրոս առաքեալը, իր համբերութեան չափը ցոյց  
տալու համար՝ դարձաւ Յիսուսին ասեց. «Տէր, ինձ  
վիրաւորողին քանի՞ անգամ ներեմն Եօթն անգամ»։  
«Ոչ թէ Եօթն անգամ, պատասխանեց Յիսուս, այլ  
Եօթանասուն հատ Եօթ անգամ»։ 0 Շ, կը մտածես դու,  
մօտ հինգ հարիւր անգամ։ Բայց այդպէս չպէտք է հաս-  
կանալ սիրելիս, որովհետեւ սիրտը թուերի հետ գործ  
չունի։ Այլ Յիսուս, այդքան հեռացնելով ներելու սահ-  
մանները, ուզումէ մեզ հասկացնել որ՝ ներելը չի կա-  
րելի չափի ու սահմանի տակ գնել. ուզումէ ասել՝ միշտ  
պէտք է ներես, որովհետեւ քանի համարես, ոչ թէ  
ներած, այլ նորոգած կը լինես։

3) Ներել աւանց դեպի, ժամանակի ու անյի պայմանի։  
Ինչ որ կարելի է ներել այստեղ, այն չպէտք է տեղա-  
փոխես մի ուրիշ տեղ։ Ինչ որ կարելի է ներել այսօր,  
պէտք է ներես այսօր և եթ։ Ինչ որ կարելի է ներել  
առանց վկայի, պէտք է ներես առանձին, սրտագէտ  
Աստուծոյ առաջը։ Եթէ ներում ես մի յանցանքը, պէտք  
է ներես բոլոր յանցանքները. Եթէ ներում ես մի հա-  
կառակորդի, պէտք է ներես հէնց ամենքին։ Այսպի-  
սի ներումը կը լինի կատարեալ ներում։ Բայց, երբ վի-  
րաւորանք ներելը ուզում ես որ տնպատճառ պատահի  
այս կամ այն յարմար տեղում։ Եթէ յետաձգում ես մի

այլ յարմար ժամանակի, եթէ ներում ես ուրիշների՝ ա-  
ռաջը, եթէ ներում ես մէկին, չես ներում ամենքին.  
Եթէ ներում ես չնչին յանցանքը, լուսում ես մեծերի  
մասին, — դու այդպիսով ճիւղերը կտրատում ես, իսկ ար-  
մատին ձեռք չես տալիս վէրքը միշտ վէրք է մնում։

4) Ներել ճշաղկէ։ Երբ դու ներում ես միայն սըր-  
բութին ընդունելու ժամանակի, իսկ յետոյ նորից սը-  
րում ես նետերդ՝ հակառակորդիդ սիրտը կրկին խո-  
ցոտելու համար, դու այդպիսով ներած չես լինում։  
Այդպէս էր անում աններող Սաւուղ թագաւորը։ Հեզ  
Դաւիթը, Գողիաթի գէմ կռուի գուրս գալով իր կեան-  
քը վտանգի ենթարկեց, որ ազատի. իր թագաւորի  
կեանքը, որքի նախատինքը Խորայէլի ճակատից, բայց  
Սաւուղը գեղարդը ձեռքից բաց չէր թողնում, միշտ  
լարուած էր մնում Դաւիթի գէմ։ Իսկ դու պէտք է նե-  
րես մի անգամ ցնի միշտ։

5) Ներել՝ աւանց դէրով ոննելու։ Չպէտք է ասես՝  
մեծը, հարուստը, գիտունը ես եմ։ Նա պէտք է ինձ-  
նից ներում խնդրի. չպէտք է ասես՝ այս ինչ գործում  
յանցաւորը ես չէի, նա էր. ուրեմն, նա պէտք է նե-  
րում խնդրի։ Ի նշպէս հարիւր ուռելու գողը չի կարող  
արգարանալ նրանով, որ հարիւր է գողացել, ոչ թէ հա-  
զար. այնպէս էլ նա, որ ինքը չունի խէթ իր ընկերոջ  
գէմ այլ ընկերն ունի իր գէմ չի կարող ասել՝ ես ը-  
պէտք է գնամ նրա գուռը, նա պէտք է գայ իմ գու-  
ռը՝ ինձնից ներում խնդրելու։ Ի նշպէս որ որդին չէ  
պատում իր հօրը, երբ անարգումէ իր եղբօրը, ինչ-

պէս ծառան չէ պատուում իր տերոջը, երբ չէ կատարում նրա կամքը, այնպէս էլ ոչ ոք չի կարող ասել թէ՝ փառաւորութէ Աստուծոյ անունը, երբ արհամարհում է իր եղօրը:

\*

\*\*

Ապաշխարութեան բոլոր տեսակներն էլ լուանում են մեր մեղքերը և զառնում երկրորդ աւագան: Դեռ չէ եղել մի ապաշխարող, որ իր սիրտը կոտրի, Յիսուսի առաջը չփրկուի, Մատթէոսը՝ երեկ մաքսաւոր, անողորմ կողոպատիչ էր. այսօր բազման է երկնքում: Պէտքուը, իր Աստուծուն և ուսուցչին ուրացողը՝ այսօր փառքով է պսակուած: Պօղոսը, երեկ հայհոյիչ և եկեղեցի հալածող, այսօր «ընտրութեան անօթ», Աստուծոյ մօտ է հանգստանում: Աւաղակը, երեկ իբրեւ մարդասպան խաչուած, այսօր արքայութեան մէջ է նստած:


Էլ ինչո՞ւ ենք ծուլանում, շտապենք մի այսպիսի ողորմած Տիրոջ մօտ, որ բազուկները տարածած՝ մեզ է սպասում: Բայց Աստուած, տեսնելով մեր դանդաղութիւնը, դուրս է գալիս, կանգնում արքայութեան դռների մօտ և ձայն տալիս: «Եկէք ինձ մօտ, ամէն վաստակածներ ու բեռնաւորներ, եկէք հանգստացնեմ ձեզ»:

Հոգեորբժիշկը մեծ գին չէ պահանջում, ձրիաբար է առաջարկում ամէն ցաւի գեղը: Հիւանդ ես, ասում է, ես ձրի եմ բժշկում: մտիր սինեակդ, բեր ինձ ար-

տասուք, ինչքան կարողանաս. մի կաթիլ էլ որ լինի, բաւական է քեզ երկրորդ անգամ մկրտելու և առաջին փառքիդ հասցնելու համար: Մեղաւանը ես. ես ողորմած եմ: չեմ եկել կտնչելու արդարներին, այլ քեզ պէս մեղաւորներին՝ արդարութեան ճանապարհով: Ծարա՞ւ ես. մի գանգաղիր. ես կենաց աղբիւրն եմ: ով ծարաւ է, թողինձ մօտ գայ, և յաւիտեան չի ծարաւի: Քաղցած ես. մի լքանիր «Ես եմ հացն կենաց երկնքից իջած», ով այս հացից ուտի, յաւիտեան կապրի: Մերկ ես, ես քեզ պատմուան եմ և վերարկու, միայն չարութիւններից մերկացիր, և ես կը հագցնեմ քեզ առաջին հանգերձգ:

Տես՝ ինչքան սիրեցի քեզ: Երկիրը քեզ համար ըստեղծեցի, երկինքը քեզ համար յօրինեցի, արքայութիւնը քեզ համար պատրաստեցի. անկեալ հրեշտակների տեղը քեզ համար թողի: Քեզ համար Աստուածս մարդացայ, ամէն անարգանք կրեցի, անձս զոհեցի, արիւնովս մեղքերդ լուացի, քեզ Նօրս հետ հաշտեցրի: Էլի ի՞նչ ես կամենում որ անեմ քեզ, ասա, ես սովոր եմ ամէն տեսակ ծառայութեան: Եթէ մատնիչիս ոտքերը լուացի, քեզ՝ ես առաւելու դու մի կաթիլ արցունք թափիր իմ կոնքը. ես Յորդանանի առատութեամբ շընորհքներ թափեմ վրագ: Ինչո՞ւ ես փախչում ինձնից, արի մօտս. ես չեմ բարկանում: չեմ մեղագրում: չեմ յայտնում մեղքգ, չեմ յանգիմանում: որովհետեւ ողորմած եմ, որովհետեւ իմ ստեղծածն ես, իմ պատկերն ես, իմ նմանութիւնն ես: Գժուար բան չեմ պահանջում քեզնից, միայն գարձիր իմ կողմը, և ես կը գառ-

նամ քո կողմը: Դէհ, մի ամաչիր, արի մօտս:  
Այո, սիրելիս, գնանք Յիսուսի մօտ, քանի որ  
լսումենք Նրա ողջոմած ձայնը՝ «Եկէք ինձ մօտ»: Փա-  
նի որ Նա մեզ սիրելովէ իր մօտ կանչում, գնանք մօտը:  
Եթէ ոչ, կը գայ ժամանակ, երբ Նա մեզ կասի՝ Կորէք  
աչքիցս. բայց այն ժամանակ ո՞ւ կը լինի:



## Բ Ա Ն Պ.

Եթէ խոստովան լինիցիմք զմեղս մեր, հաւատարիմ է  
նա՝ եւ արդար առ ի թողով մեզ զմեղս մեր:

Ա. Յովհ. Ա. 9:



պաշխարութիւնը կատարեալ անե-  
լու համար, բացի զղջումից՝ կա-  
րեւոր է և խոստովանութիւն:  
Խոստովանութեան հրաւերի ձայ-  
նը՝ առաջին անգամ դրախտումն  
ենք լսում: Հէնց որ Ադա-  
մը մեղանչեց Աստուծոյ հրամա-  
նի դէմ: իսկոյն Աստուած, ամենատես բնութիւնը, չտես-  
նող ձեւանալով, քաղցրութեամբ դէպի խոստովանու-  
թիւն է հրաւիրում առաջին մեղաւորին, ձայն տալով

նրան «Աղամ, ո՞ւր ես»։ Ուզումէ ասել՝ Աղամ, ես արդէն տեսայ որ գու մեղանչեցիր։ Բայց չես խոստովանուի որ արածդ մեղքէ, թողութիւն ստանալչես կամենայ։ Արի, գու ինձ լսիր։ Խոստովանուիր, և կարգարանաս։ Մի և նոյնն է կրկնում և Եսայի մարգարէն «Ասա անօրէնութիւններդ, և կարգարանաս»։ Իսկ Սոլոմոնը պարզաբանումէ «Ով ծածկի, ասումէ, իր մեղքերը չի արգարանայ, իսկ ով պատմի ու յանդիմանի, կը սիրուի»։ Եւ երբ առաքեալն ասումէ «Լուացարուք, որբեցարուք», ոչ թէ մեր կերակրու ամանեղէնի մասին է ասում, այլ մեր սիրան ու խիզճը լուանալու և սրբելու մասին է ասում։ Որովհետեւ իսկոյն վրայ է բերում «Եւ ընկեցէք զշարիս յանձանց ձերոց», այսինքն՝ խոստովանուիցէք ձեր մեղքերը։

Իր մեղքը քահանայի մօտ խոստովանուողը՝ ի՞նքն իր գէմէ գուրս գալիս, ասես թէ ամբաստանումէ իրան, իր արարքներն է յանդիմանում, որովհետեւ խոստովանուել՝ նշանակումէ իր արած յայտարարել, իրան մեղաղքել։ Դրա համար է որ մեծ ապաշխարող Դաւիթը ձայն է տալիս գովելով։ «Ի՞նչ սիրուն բան է՝ խոստովանուել Աստուծոյ և նրա քահանայից առաջեւ»։

Խոստովանութիւնը թեթևացնումէ մեղքի ծանրութիւնը։ Խոստովանութիւնը որտեղից գուրս է գալիս, իր ժանգոտ ամանը ոսկու պէս վայլեցնումէ։ Խոստովանութիւնը ապաշխարողի պարիսպ է, գլորեալի կանգնումն երկնքի բացող, երկնաքաղաքն առաջնորդող։ — Աեղուո՞ր ես։ Հազար բարեգործութիւն էլ որ անես,

բայց արած մեղքերդ չխոստովանուես, սուտ է, զուրէ։ Թէ աղօթես, թէ պահես, թէ ողորմես, թէ ճգնես, առանց խոստովանութիւն՝ անկարելի է որ թողութիւն գտնես։

Բայց քանի որ խոստովանութիւնը այսչափ հարկաւոր պահանջ է ամէն մեղաւորի համար, մարդ զարմանումէ և ապշում թէ՝ ինչպէս կան գեռ ևս մեղաւորներ, որոնք այնպէս ուշ ուշ էն խոտափանուած, և աւելի քաղցր ու ախորժ են համարում հանգիստ մնալ իրանց մեղքերի մէջ, նման անբան անասունների, որոնք սիրով ընկզմուում են տղմի մէջ և յամառութեամբ մնում այնտեղ։ Այս է պատճառը, որ Աստուծուած մարգարէի բերանով աղաղակումէ։ «Ես վրէժ կը պահանջեմ նրանցից, որոնք խրուած են իրանց տղմի մէջ»։

Պարաքդ ուշացնելով՝ պարտքից չես ազատուում լու կանես որ, քանի քիչ է՝ վճարես, որպէս զի հետզհետէ շատանալով, չծանրանայ ուսիդ։ Մի տարի ձեռքբ մի լուանայ, կը տեսնես՝ ինչպէս է միուուում։ Նորից մաքրելու համար, ինչքան ուսպոն, լիմոն բանեցնես, ինչքան լուանաս, սրբես՝ սեռութիւնը միշտ կը մնայ, բծերը չեն անցնի։ Այդպէս էլ՝ ինչքան քննես սիրտ, խիզճդ, միշտ մի նոր կեղու կը գտնես՝ լուանալու համար։ Այդ պատճառով, քանի մեղքերդ գլխիցդ չեն բարձրացել, մտիր սրտիդ խորքը, լաւ քննիր, ամէն կողմ ման արի, ամէն անկիւնը քրբրիր։ — և կարծածիցդ աւելի այլանդակ գարշութիւններ կը գտնես։ Ի՞նչ ես

ուշացնում։ Աստուծոյ դէմ յայտնի մեղանչելուց չեռ  
քաշուել քահանային ծածուկ խոստովանուելուց եռ  
քաշում։

Յիսուս, իր տեղը քահանայ դնելով երկրիս վրայու  
դրել է նրա ձեռքը և քո մեղքերիդ թողութիւն տա-  
լու և չտալու իշխանութիւնը, ասելով՝ «Ում որ դու  
արձակես երկրիս վրայ, նա արձակուած կը լինի երկն-  
քումը. և ում կապես երկրիս վրայ, կապուած կը լինի  
երկնքումը»։ Ասա տեսնեմ՝ քահանան ի՞նչպէս պէտք է  
գործածի իր այդ աստուածատուր իշխանութիւնը, ե-  
թէ դու, շարունակ ուշացնելով՝ զանցառութեան տաս  
և չխոստովանուես նրա մօտ քո մեղքերը։ Կուզես մի-  
թէ, որ ինչպէս պատահի, այնպէս անիս մէկին ար-  
ձակի, միւսին կապի։ Ուրեմն, եթէ նա լաւ պէտք է  
գործածի իր իշխանութիւնը, արժանաւորին արձակում  
տալով, անարժանին չտալով, պէտք է գիտենայ մեղքե-  
րիդ թիւն ու ծանրութիւնը։ Իսկ եթէ դու չյայտնես  
մեղքերդ, քահանան ի՞նչպէս թողութիւն տայ կամ չտայ։  
Դատաւորը ի՞նչպէս կարող է ազատել կամ պատժել յան-  
ցաւորին, եթէ լաւ չգիտենայ նրա բոլոր արածները։ Եւ ա-  
հա քահանան Քրիստոսի պէս, որ գատաստանի օրը գա-  
լու է գատելու ամենիո, նստում է գատողական աթոռի  
վրայ, իսկ խոստովանուողը, ինչպէս մեղադրեալ, ձախա-  
կողմեան գատի մեղաւորներին ման՝ չոքում է նրա ձախա-  
կողմը՝ գլխակոր և ամօթափից։

Տես՝ Աստուած չէ ուղարկում քեզ՝ Հրեշտակի  
մօտ խոստովանուելու, որ չինի թէ նրա սրբութիւնը

աչքիդ առաջ ունենալով՝ երկիւղ կրես մեղքերիդ ար-  
ժանաւոր պատիժ ստանալուդ մասին։ Այլ ուղարկում  
է քեզ նման մարդու մօտ, որ գիտէ իր տկարութեամբ  
քո տկարութիւնը չափել և մարդասիրութեամբ օգնել՝  
որովհեակ ինքն էլ Աստուծոյ մարդասիրութեանն է  
կարօտ։ ուստի և ներողամիտ կը լինի գէպի քո մեղ-  
քերը։ Դու պէտք է շնորհակալ լինես, որ Աստուած  
մեղքերիդ թողութեան իրաւունքը քահանային է տու-  
ել և քո զզման ու նորոգման գործը թեթևացրել։  
Այսպէս մտած իր։ Եթէ թագաւորը ասէր մի մահապար-  
տի՝ քեզ կը ներեմու մահից կազատեմ։ Եթէ գնաս ա-  
րած յանցանքդ պատմես իմ փոխանորդին։ իսկոյն ու-  
րախ ուրախ չէր վազի գէպի փոխանորդը՝ իր յանցան-  
քը խոստովանուելու։ Ուրեմն, պէտք է շտապել քա-  
հանայի մօտ, որ Աստուծոյ միջնորդն է և մարդու բա-  
րեխոսը։

Մեղքերդ քահանայի մօտ խոստովանուելուց առաջ՝  
հարկաւոր պատրաստութիւնը պէտք է տեսնես։ Պէտք է  
մաքրես սիրող, հանես նրա միջից ամէն իսէթ, նա-  
խանձ, ատելութիւն։ Իսկ զբա համար պէտք է հաշ-  
տուես այն ամէն մարդու հետ, ում որ և է կերպով  
վիրաւորել ես, կամ ումից վիրաւորուել ես։ Քրիստոնէ-  
ից այնքան է հարկաւոր ընկերոջ սիրտ շահելը, հոգին  
գրաւելը, որ եթէ մարդ առաջ հաշտ չինի իր ընկե-  
րոջ հետ, Աստուծոյ հետ ոչ մի կերպով չի կարող հաշ-  
տուել։

Դու պէտք է մէջդ մի սրտաքննութիւն անես. պէտք

Ե միտքդ բերես թէ՝ ինչ տեղեր ես եղել, ում հետ ես  
ապրել ինչ գործերով ես պարապել վերջին խոստովա-  
նութիւնիցդ առաջ: Պէտք է մտածես մեղանչելուդ բո-  
լոր հանգամանքների մասին, պէտք է աջքի առաջ ու-  
նենաս քո կացութիւնը, աստիճանը, հասակը, ժամա-  
նակը, երբ սկսել ես մեղանչել, որքան ես մնացել մեղ-  
քի մէջ: այն անձը, ում հետ մեղանչել ես, այն անձինք,  
որոնց գայթակղեցրել ես, և թէ ինչպէս ես մեղանչել:  
Այս բոլորի վրայ պէտք է օրինաւոր ուշը գարձնես, որ-  
պէս զի խոստովանութիւնդ անհաշիւ և անզգոյշ չլինի,  
ինչպէս առաքեալն էլ ասումէ: «Եթէ մեր անձը քըն-  
չէինք, չէինք դատապարտուի»:

\* \*

Ահա մէկը մօտենումէ քահանային՝ խոստովանուե-  
լու: Բայց ինչից դրդուած, միթէ յիրաւի մի ներքին  
պահանջ է զգում: Ոչ մօտենումէ, որովհետեւ ուրիշ-  
ներն էլ են մօտենում: մօտենումէ, որովհետեւ խոս-  
տովանուելը առանք է: և մօտենումէ շատ անգամ ոչ  
թէ դրա համար նախապատրաստուած, այլ հէնց կանգ-  
նած տեղը մտքովը անց է կացրել որ դա էլ մի պարտք  
է, մի սովորութիւն է, պէտք է կատարել: Նա մօտե-  
նումէ, յայսը քահանայի վրայ դրած, գիտենալով որ  
ինչոր նա ասի, ինքն էլ եթէ կարողանայ կը կըկնի, եթէ  
ոչ՝ «մեղայ Աստուծոյ», հօ կասի:

Շատ քիչ է պատահում որ խոստովանուղը պատր-

շատքի պատափան ունենայ: Երբ քահանան հարցնում  
է՝ ինչ ես արել, որդիս ինչ ունես ասելու, — եթէ կին  
է «ԷՇ», տէրտէր, ասումէ, քեզ խօմ լաւ յայտնի է,  
երեխանց տէր ենք, չարացնումեն, բարկանում ենք,  
սիրտներս վիրաւորում ենք, ուրիշ ինչ պէտք է ունե-  
նամ»: Եթէ տղամարդ է՝ «Դու խօմ լաւ գիտես, տէր  
հայր, իեշաքար մարդ ենք, սուտ էլ ենք խօսում խա-  
բումէլ ենք, ձեռնաքաշութիւն ենք անում: Էսպէս էլ  
որ չանենք, մի տուն քուլիաթը ինչո՞վ պահենք»:

Շատն էլ քահանայի հարցմունքին ուղղակի պա-  
տասխանում է՝ «Ո չինչ: ԷՇ, սիրելիս, երբ ոչինչ ասե-  
լիք չունես, ինչո՞ւ ես եկել: Եթէ հիւանդ չես, ինչո՞ւ  
ես գնում բժշկի մօտ: Եթէ կարիք չունես, ինչո՞ւ ես  
գուռը բաղիում: Եթէ յանցանք չունես, եթէ ոչինչ ա-  
սելիք չունես, նշանակումէ՝ գու հողեղեն չես, հրեղէն  
ես: մարդ չես, հրեշտակ ես: Նշանակումէ՝ քո սիրոը  
մարդկային սրտերից չէ, քո միտքը, քո զգայարանքնե-  
րը մարդկային չեն: Նշանակումէ՝ աշխարհը իր բոլոր  
պատրանքներով, կեանքը իր բոլոր հրապարաներով, գե-  
ղեցկութիւնը իր բոլոր կախարդանքով: ոսկին իր բոլոր  
փայլով, իր բոլոր ոյժով, — սրանցից ոչ մէկը քեզ վրայ,  
քո սուրբ սրտի, քո մաքուր խզի, քո անարատ բարո-  
յականի, քո անախտ հոգու վրայ ոչինչ աղդեցութիւն  
չէ ունեցել: Նշանակումէ՝ գու մի այնպիսի աչք ունես,  
որին գեղեցկութիւնը չէ գրաւել, որին ոսկին չէ շա-  
ցրել: գու մի այնպիսի ականջ ունես, որ երեք չէ ա-  
խորժել գէշ զրայց լսել, չար խորհուրդներ ընդունել.

դու մի այնպիսի լեզու ունես, որ երբէք սուտ չէ խօսել, ոչ ոքի չէ վիրաւորել, ոչ ոքի անուն չէ արատաւորել։ դու մի այնպիսի ձեռք ունես, որ ոչինչ չէ յափշտակել, ոչ ոքի վրայ չէ բարձրացել, ոչինչ չէ խարդախել, չէ կեղծել։ դու մի այնպիսի ոտք ունես, որ մրջիւն անգամ չէ կոխ տուել, չարութեան ճանապարհ չէ անցել։ դու մի այնպիսի սիրտ ունես, որի գոները միշտ վակ են եղել անիրաւութեանց դէմ, որին օտար են գէշ ցանկութիւնները, որին խորթ է մեղք ասուած բանը։ Վերջապէս՝ նըշանակում է՝ դու ունես մի այնպիսի հոգի, որ իշխում է մտքիդ, սրտիդ և բոլոր զգայարանքներիդ վրայ, մի այնպիսի հոգի, որ ոսկու պէս մաքուր է, բիւրեղի պէս վայրուն։

Եթէ այդպէս է, եթէ դու մի այդպիսի անթիծ, անարատ արտրած ես, ուրեմն օրհնուի այն արգանդը, որ քեզ ծնեց, օրհնուի այն տունը, որ քեզ սնեց, օրհնուի և այն աշխարհը, որ քեզ պահեց։ Երթի խաղաղութիւն, քահանայի մօտ քեզ համար տեղ չկայ։ Եկեղեցին քեղպէ սների համար չէ։ Երկիրը քեզ չի կարող կրել իր վրայ, քո տեղը լուսեղեն երկինքն է։

Օրհնած, մէկ աչքդ բաց արաւ տես թէ այս ապաշխարութեան օրերում եկեղեցին ի՞նչ է ձայն տալիս, ի՞նչ է յիշեցնում։ Ի՞նչ սովորեցնում։ Եկեղեցին այս օրերս իրան մեղքերի ցեխի մէջ՝ շաղախուած, աներեսյթ թշնամուց ծանրապէս վիրաւորուած տեսնելով։ Իր թըշուառ վիճակից է գանգատում օգնութիւն խնդրում։ — «Հայր բազումողորմ, խոստովանում եմ՝ քո առա-

չե ինչպէս անառակ որդին։ իմ յանցանքներից մաքրիր ինձ, տէր, ինչպէս երբեմն մաքսաւորին, և ողորմիր։ Մեղայ, տէր, խոստովանուում եմ իմ յանցանքները, մեղայ, ողորմիր։ իմ մեղքերը ցոյց կը տամ քեզ, Քրիստոս, որ հոգիների բժիշկն ես և կեանքի տէրը. բժշկիր իմ հիւանդութիւնները. Ամէն ժամանակ իմ աղաջանքըն այս է. սրբիր ինձ իմ մեղքերից։»

Եւ ի՞նչ սրտից է ըղխում այս խոստովանութիւնը. ի՞նչ կրծքից են թուզում այս հառաջները. ո՞վ է, որ իր յարկը վայսց տուն է շինել, ո՞վ է. որ իր տունը մեղքերի ծով է շինել։ Եկեղեցու սիւն, հայրենեաց վառք, ազգի պարծանք, առաքելապատիւ սուրբ Ներսէս Շնորհալին է այդ մեղքերի մէջ կորած, արցունքների մէջ խեղդուած մեղաւորը։ Խոկ դու ասում ես՝ անմեղ եմ։ Ի՞նչ ենք արդեօք նրա առաջը ես, դու, այս ապականուած աշխարհը։ Զէ, սիրելիս արի, դու գաս առ այդ սուրբ ուսուցչից. գաս ո՞չ թէ սովորական իմաստութեան, այլ գաս՝ Աստուծոյ երկիւղի իմաստութեան, անձի խոնարհեցման՝ իմաստութեան։ «Ո՞վ իցէ, որ կեցցէ, և ոչ մեղիցէ։» Մարդ կը լինի, որ ապրի ու չմեղանչի։ Ուրեմն, երբ քահանան քեզ հարցնում է՝ ի՞նչ ես արել, որդիս. ասաւ՝ ի՞նչ չեմ՝ արել տէր հայր. ոտքից գլուխ մեղաւոր եմ. մեղքի գերի եմ. միթէ լեզուն կարո՞ղ է պատմել մի թէ խօսքը կարո՞ղ է նկարագրել այն ամէն չարութիւնները, ամէն անօրէնութիւնները, որ ես արել եմ. իմ մեղքը շատ է, քանի երկնքի աստղը, քան ծովի աւազը. մեղաւոր եմ. օգնիր անարժանիս։

Մեղաւորը պէտք է խոստովանուի անկեղծութեամբ, առանց ստելու, և ամբողջութեամբ յայտնելով իր մեղքերը: Սուտ խօսել այնտեղ, ուր եկել ես ստախօսութիւնդ խոստովանուելու, գողունի կերպով ծանր մեղքերդ թաքցնելու նրա մօտ, ում մօտ եկել ես գողութիւնդ խոստովանուելու,—դա կրկնակի մեղք է, ի հարկէ: և շատ էլ որ քահանային խաբես: Աստուծուն չհսկարող խաբել: Եթէ ճշմարտութեամբ, ամկեղծօրէն չես խոստովանուում այդպիսով ոչ թէ չես թեթևանում մեղքերցգ, այլ նոր նոր մեղքեր ես աւելացնում: Ընդհակառակը, ամէն անգամ խոստովանուելիս՝ այնպէս պէտք է մտածես թէ քո վերջին խօստովանութիւնն է, հոգեվարքի խոստովանութիւնն է: Ո՛վ անկեղծ է խոստովանուում նա մօտ է ուղղուելու: Առաջին քրիստոնեայք այս լաւ էին հասկանում ուստի, ինչպէս սովորութիւն էր, իրանց ծանր մեղքերն էլ խոստովանուում էին եկեղեցում ժողովրդի բազմութեան առաջը, բարեկամների ու թշնամիների, ծանօթ ու անձանօթի առաջը: Բայց մայրախնամ եկեղեցին, գիտնալով իր որդւոց թուլութիւնը, զիջող եղաւ և սահմանեց խոստովանուել միայն մի քահանայի առաջ: Սովորութիւնը վերացաւ, բայց հետքը մնաց: այն էլ միայն պատարագիչ քահանայի վրայ, որ գառնալով գէպի ժողովուրդը՝ «Եւ առաջի ձեր, հարք և եղբարք, ասում է, զամենայն մեղս զորս գործեալ եմ»: Հայրեր ու եղբայրներ, մեծեր ու փոքրեր, ձեր առաջն էլ եմ խոստովանուում իմ բոլոր մեղքերը:

Անկեղծութեամբ խոստովանուելու համար՝ ոչինչ չպէտք է ծածկես քահանայից: որովհետեւ, ինչ որ այստեղ ծածկելու լինես մի քահանայի առաջ, այն դատաստանի օրը ստիպուած կը լինես մերկացնելու ողջ աշխարհի առաջը: Այն ժամանակ ամօթից կասես սարերին՝ ընկէք ինձ վրայ, և բլուրներին թէ ծածկեցէք ինձ: Այստեղ եթէ անկեղծ խոստովանուն, թողութիւն կը ստանաս: իսկ այնտեղ ոչ խոստովանուելու ժամանակ է, ոչ էլ թողութեան: Մարդասպանն էլ կախաղան բարձրանալիս՝ խոստովանուումէ իր յանցանքը, բայց չէ փրկուում: Այս պատճառով առաքեալը, մեզ գէպի ճշմարիտ խոստովանութիւն յորդորելով, ասում է: «Եթէ տոնենք թէ՝ ոչինչ մեղք չունենք, մեզ ենք խարում որովհետեւ ասածներիս մէջ ճշմարտութիւն չկայ: իսկ եթէ չժածկենք, խոստովանուենք, պէտք է հաստատ գիտենանք, որ արգարադատ Յիսուս իսկոյն թողութիւն կը տայ մեզ»:

Խոստովանուելիս քահանան քեզնից մի բան է ուղում միայն, քո սիրտն է ուղում: Երբ նա քեզ հարցնումէ՝ Որդի, ի՞նչ ես արել, գրանով ուղումէ ասել՝ ամբողջ կեանքդ գու անց ես կացնում սիրտդ մարդկանցից ծածկած: ամբողջ տարին գու այն չես երեւում: ինչ որ կաս: միթէ այս կարճ բոպէներին էլ չես բաց անի իմ առաջ քո սիրտը:

\*  
\* \*

Մարդս պէտք է խոստովանուի համեստ կէրպով, ամէն բանի մէջ իրան մեղագրելով՝ ուրիշի արածը չյիշելով իր արածը խիստ մերկացնելով։ Խոստովանուողը, որ գնումէ դատուելու, ինքն իր գործի դատաւորը չպէտք է հանդիսանայ, չպէտք է սկսի պաշտպանել իր դատը այլոց դէմ։ միակ դատաւորը քահանան է լինելու։ Քահանայի մօտ այնպէս պէտք է խօսես, ինչպէս յանցաւորը խօսում է դատաւորի հետ, որ իրան պէտք է ազատի կամ պատժի, ոչ թէ ինքնահաւանութեամբ ու պարծենալով։ Դու ոչ միայն պէտք է խօսես խոնարհութեամբ, այլ և պէտք է լռես խոնարհութեամբ, երբ խոստովանահայրը քեզ խրատում ու յանդիմանում է։ Միթէ դու խելագար չէիր համարի այն հիւանդին, որ կծում է իր վերքը բժշկող վիրաբոյժի ձեռքը։

Եթէ խոստովանուողը գնացել է իրան յանդիմանելու, ուրեմն, քահանայի մօտ իրան արդարացնելու տեղը չէ, պատճառներ մէջ բերելու ժամանակ չէ։ Շատը՝ հէնց որ իր մեղքը խոստովանուումէ, իսկոյն պատճառն էլ հետն է քերում։ Որը իր մարդու վրայ է գցում յանցանքը, որը՝ իր կնոջ վրայ, որը որդոց յանցանքն ուզումէ ասել, բայց յանցաւոր չէ ուզում երեւալ։ «Եթէ այս կինս ըրտեղձէիր, ես արգելուած պտուղը չէի ուտի»։ Այսպէս են խօսում շատերը։ Եթէ եկել ես քեզ արդարացնելու, այսինքն՝ մեղքդ ծածկելու, մի ենոյն է թէ չես խոստովանուում։ Ինչ օգուտ ունին այդ պատճառանքները, այդ մահանէց։ Մեղքը արուել է։ Աստուծոյ դէմ,

Աստուծոյ հակառակ գնալու ոչինչ պատճառ չէիր կարող ունենալ։ ուրեմն արածդ մեղք է։ Խոստովանուիր մեղքդ՝ ոչ թէ պատճառները փնտռելով՝ այլ տեղը փնտռելով այն ժամանակ կասեմ որ գու, այս, խոստովանուում ես։ Դաւիթը աղօթումէր։ «Տէր, միթողներ որ մեղքերս արդարացնելու համար՝ պատճառներ փնտռեմ», նոյնը պէտք է գու խնդրես՝ խոստովանանքի գնալիս։

\* \*

Խոստովանուելու նպատակն է՝ մեղքերից թեթեանալ արդարանալ։ Բայց չպէտք է կարծես թէ խոստովանութիւնը քեզ նորից մեղանէլու իրաւունք է տալիս։ Ո՛վ որ թողութիւն ստանալու յուսով է մեղանչում նա խաբեբայ է ոչ թէ խոստովանուող։ Եւ անմիտ է այն մարդը, որ ասումէ՝ Այս մեղքն անեմ, յետոյ խոստովանուեմ։ միւնոյն է թէ ասէր՝ Այս մեղքն անեմ, յետոյ զղամ։ Աշխարհումն անուանի վիրաբոյժներ շատ կան։ բայց ոչ ոք իրան բարձրից ցած չէ գցում, որ յետոյ վիրաբոյժին դուրս ընկած սոկրը ուղղել տայ։ Կըրկնուած զղումը՝ հոգին մաշումէ, որովհետեւ մեղանչումն ու զղումը սովորական բան է գառնում, արուեստ է գառնում։ Եթէ արած մեղքիդ վրայ զղալուց յետոյ բոլորովին չես նորոգուում զղումդ զղում չէ։ Եթէ այն նպատակով չես զղում ու խոստովանուումն որ միւս անգամ չմեղանչես։ Եթէ չես որոշում բոլոր ուժովդ մեղքի դէմ գուրս գալ, ապա զղումդ ու խոստովա-


նանքըդ ոչինչ միտք, ոչինչ նշանակութիւն չունի: Այդ է պատճառը, որ Յիսուս ումը բժշկում էր, զգուշացնելով ասում էր՝ «Տես, դու բժշկուեցիր. Ել չմեղանչես, որ չլինի թէ յետինը աւելի վատ լինի, քան առաջինը. Ջինի թէ աւելի ծանր պատասխանատուութեան տակ ընկնես. որովհետեւ այն ժամանակ քեզնից կը պահանջուի թէ հին և թէ նոր մեղքերիդ հաշիւը»:

Ինքդ գատիք. միթէ աւելի մեծ պատժի չէ արժանի այն յանցաւորը, որ գատաւորից ներումն է ստացել բայց նորից ոտնատակ է տալիս օրէնքը: Արժանի՞ է հայրական սիրուն այն որդին, որի յանցանքը ներել է հայրը, և կրկին վշտացնում է նրան առաջուայ յանցանքներով: Աւելի ցաւչէ պատճառում ծնողական սրտին, երբ հայրը ձեռք է բերում իր որդուն՝ նորից կորցնելու համար: Չեռք բերած բարիքը ուրախութիւն է. իսկ ձեռք բերած և կրկին կորցրած բարիքը՝ կրկին ցաւ: Այսպէս էլ՝ ով իր մեղքերի թողութիւնը ստանալուց յետոյ՝ էլի առաջուայ անկարգ կեանքն է անց կացնում: Նա կրկին պատիժ է պատրաստում իր համար:

\*  
\* \*

Շատ մարդ գժուարանում է խստովանուել, ասակերպ իր մեղքերը քահանայի. մօտ թուելուց: Բայց ամաչելու ոչինչ չկայ. սրովհետեւ մարդ ոչ թէ իսկապէս քահանայի առաջն է խոստովանուումն այլ Աստուծոյ առաջը, Յիսուսի առաջը, որ աներեսոյթ կերպով ներկայ է խոստովանութեան ժամանակ: Քահանան կարգուած

է միջնորդ լինելու Աստուծոյ և մարդու մէջ. և երբ նա թողութիւն է տալիս, ինքը չէ, այլ Աստուծ է, որ թողնում է մեղքերը: Ինքը քահանան էլ չնայելով իր կարգի ու կոչման սրբութեանը՝ նոյնպէս մի մեղանչական մարդ է, և, լինելով սրտերի բարեկամ, ներողամիտ է իր Տիրով պէս: Եւ քահանայի առաջը ծունկ չոքելով սրտով պէտք է գնանք Յիսուսի մօտ, պէտք է գնանք հաւատով ու մանկական համարձակութեամբ: Պէտք է գընանք ոչինչ ինչպէս Պետրոս առաքեալը, որ գնում էր Գեննեսարէթի ջրերի վրայ. ոչ թէ նրա պէտք է նայենք մեր մարմնի ծանրութեանը, ջրերի խորութեանը և հողմի ոյժին.—այլ միայն պէտք է նայենք Յիսուսին, որ տարածում է գէպի մեզ իր Աջը՝ մեզ մեղքերի ծովից հանելու համար, որ չասի ամէն մէկիս, «թերահաւատ, ինչու երկմտեցիր»:



Հաղորդուել՝ նշանակում է մասնակից լինել. մասնակից լինել ոչ թէ հասարակ հացի, սովորական ճաշի, այլ հոգեոր հացի. մի անպիսի փառաւոր ճաշի, որ ինքը Յիսուսն է պատրաստել քեզ համար. մի այնպիսի չտեսնուած, չըսուած ճաշի, որտեղ կոչնատէրը իր հիւրերին հացի փոխանակ տալիս է իր մարմինը և գինու փոխանակ՝ իր արիւնը: Եւ այդ սեղանը, որ բացուում է քեզ համար, սովորական, հասարակ մարդու սեղան չէ. թագաւորական ճոխ սեղան է, լի՛ Աստուծոյ ամէն բարութիւնով. մի աստուածային սուրբ սեղան. որի վրայ ճաշ պատրաստողը և հէնց ինքը ճաշը՝ Աստուած է:

Ի՞նչ երեւելի բան պէտք է լինէր, եթէ մի թագաւոր, սեղան նոտած՝ իր ամանից բաժին ուղարկէր մի աղքատի. ի՞նչքան աւելի, եթէ իր թելից մի կտոր կըտրէր և տար նրան՝ ուտելու: Իսկ Յիսուս հաղորդութեան սուրբ խորհրդի մէջ մեզ կերակրում է, ոչ թէ իր սեղանից բաժին ուղարկելով կամ իր մաից մի կտոր, այլ՝ իր ամբողջ մարմինը, արիւնը, հոգին և աստուածութիւնը: Մեր քրիչը բաւական չամարեց մէկ լինել մեզ հետ, միայն մարդանալով. այլ ուզեց որ ս. հաղորդութեամբ ամէն մէկիս հետ առանձին միանայ. գրա համար իր անձը խառնեց, շաղուեց մեզ հետ, որ մէկ բան գառնանք, որովհետև «իսպատ սիրեց մեզ»:

Եթէ Յիսուս հրամայէր մեզ որ ի՞նչ բարիք կը ցանկանանք մեր հոգուն, խնդրենք իրանից, ում մոքովք կանցնէր՝ խնդրել Նրանից որ իր մարմինն ու արիւնը

## Բ Ա Ն Ե.

Որ ոտէ զմարմին իմ եւ ըմպէ զարիւն իմ: յիս բնակեցի եւ ես ի նմա:

Յով. Զ. ՅԴ:



Հա, սիրելիս, ապաշխարեցիր, խոտովանուեցիր, հիմա եկել ես վերջին մեծ գործի համար, եկել ես ճաշակուելու: Միտքդ ի՞նչ է, քաղցած ես. կը կշտանան միթէ նշխարի այն փոքր մասնիկով. ճաշ կը գտանայ քեզ համար գինու մէջ թաթախած հոգ մեր է, գու եկել ես հաղորդուելու: Բայց գիտեն՝ հաղորդուելու ի՞նչ է:

տայ մեզ: Բայց ինքը լաւ գիտէր, որ մեր հոգին կենդանի պահելու համար ամենալաւ ու օգտակար կերակուրը ինքն է: ուստի ՅՅ տարի մեզ հետ ու մեր մէջ ապրելուց յետոյ՝ ուզեց մշտապէս անբաժան լինել մեղնից, և երկինք գնալուց առաջ՝ չկամենալով որ իր և մեր մէջ իրանից զատ՝ մի ուրիշ յիշատակ մնայ: Հաղորդութեան սուրբ խորհուրդը հաստատեց: Նա իր բոլոր ամենակարող զօրութեամբ, ասումէ սուրբերից մէկը՝ դրանից աւելի բան չէր կարող տալ մեզ: Նա գըրանով բաց արեց մեզ համար իր սիրոյ գանձարանը, և ոչ միայն բաց արեց, այլ և դատարկեց բոլորովին:

\* \*

Բայց քանի անգամ պէտք է հաղորդուել:

Առաջին քրիստոնեայք ամէն օր միասին հաւաքում էին ու հաղորդուում: որովհետեւ գիտէին որ հաղորդութիւնը այն հացն է, որ Յիսուս սովորեցրեց մեզ խնդրել՝ « Զիաց մեր հանապազորդ տուր մեզ այսօր » գիտէին որ սովորական հացը մարմնի կենդանութիւնն է պահպանում, իսկ հաղորդութեան հացը հոգու կենդանութիւնը, գիտէին որ այն գերազանց հացը ուտելով յաւիտեան կարող էին ապրել: Բայց հաղորդութեան տուած օգուտները մի անգամից չէ զգում մարդ, այլ լուս հաղորդութիւնը՝ վերջն է նկատում: Շուտ շուտ և արժանապէս հաղորդուողին նոյնն է պատահում, ինչ որ երեխային: Երեխան իր մեծանալը չէ նը-

կատում: բայց երբ մի տարի առաջ հագած շորը նորից է հագնում, տեսնում է որ կարճ է գալիս իրան, ապա թէ զգալի կերպով իմանում է որ ինքը մեծացել է:

Այո, առաջին քրիստոնեայք ամէն օր էին հաղորդուում: բայց հիմա՝ ի՞նչ խելագարութիւն է, ասումէ Ս. Պակեբերանը, Քրիստոս այս սուրբ հացը հանապազորեայ հաց սահմանեց մեզ համար, բայց շատերը շինել են տարեկան հաց»: Այդ իր ժամանակուայ մարդիկ, իսկ մեր ժամանակ կան շատ մարդիկ, որոնք ոչ թէ տարին մի անգամ այլ հինգ տարին մի անգամ են հաղորդուում: իսկ շատերը չեն էլ հաղորդուում: Եթէ այն խելագարութիւն է, հապա այս ինչ է: Կարելի է, դու ասես՝ ես այն պատճառով եմ ուշ ուշ հաղորդուում որ ինձ սառած եմ զգում Աստուծոյ սիրուց: Մի ևնոյն չէ, եթէ ասես՝ Ես կրակին չեմ մօտենում: որովհետեւ ինձ մրսած եմ տեսնում: Կարելի է, քեզ անմեղագիր անելու համար՝ պատճառ բերես քո անարժանութիւնը. բայց այդպէս մտածելով դու հրաժարում ես բժշկից, որովհետեւ հիւանդ ես: Այն ինչ՝ « բժժիշկը ոչ թէ առողջներին է հարկաւոր, այլ հիւանդներին »: Եւ եթէ շուտ շուտ հաղորդուելուն արժանի չես, ուշ ուշ հաղորդուելուն ի՞նչպէս արժանի կը լինես. Եթէ մի տարուայ մեղքերիդ թիւը շատ ես համարում հաղորդուելուդ համար, երկու տարուայ մեղքերիդ թիւը աւելի չինի: Չէ որ միշտ այդպէս ուշացնելով՝ պէտք է այնքան ուշանայ, որ ամենենին էլ արժանի չես լինի հաղորդուելու: Զարմանալի է: Ինչ որ Աստուծած մեզ վը-

նասակար համարելով՝ արգելում է, այն անում ենք. իսկ ինչ որ օգտակար է համարում նրանից փախչում ենք: Ադամին ու Եւային ասեց՝ Այս պտղից չուտէք, — կերան. մեզ ասում է՝ Առէք, կերէք, — չենք ուտում:

Առաջին քրիստոնեայք ամէն կողմից գնում էին զիթենեաց լեառը, համբուրելու այն սուրբ տեղը, ուր Քրիստոսի համբարձուելուց յետոյ մնացել էր Նրառաքերի հետքը: Իսկ հիմա ամբողջ Քրիստոս բազմած է ս. սեղանի վրայ, և ոչ ոք չէ՝ ուզում մօտենալնրան: Այս պատճառով նա գանգատում է՝ Զինչ օգուտ է քեզ յարենէ իմմէ.. ինչ օգուտ ունիս դու, ասում է, իմ արիւնից. ինչ օգուտ ունեմ ես, պատրաստելով քեզ համար այս երկնային կերակուրը, երբ դու, սովալը լըլուկ լինելով, հեռու ես փախչում՝ իմ հացը չուտելու Համար: Ո՞հ, ի՞նչ զուր է կորչում իմ աշխատանքը, ինչ զուր պատրաստեցի քեզ համար այս կենսատու տեղը, երբ հիւանդ լինելով՝ հրաժարուում ես ընդունելուց:

Այն ինչ՝ սուրբերից մէկը հաղորդուելու ցանկութեամբ այնպէս էր վառուում որ հաղորդութեան օրը սաստիկ գանգատուում էր ժամերի ուշ անցնելուց. և երբ միայն մի ժամ էր մնում, «Մի ժամ միայն մնաց» ասում էր, ահա շուտով գալու է ինձ մօտ Յիսուս: Իսկ մաքրասուն կոյսերից մէկը ասում էր. «Եթէ հաղորդուելուս օրը հարկաւոր լինէր անցնել թշնամեաց սրերի միջից կամ երկնքի մըրկալի կայծակների միջից, ոչինչ երկիւղ չէր կարող արգելել ինձ ս. սեղանին մօ-

տենալուց»: Ինչո՞ւ էին դրանք այդպէս բորբոքուած հաղորդուելու սիրով. որովհետեւ լաւ գիտէին, որ հոգին աւելի է շահուում մէկ անգամ հաղորդուելով քան թէ ամբողջ շաբաթ լոկ հաց ու ջրով պահք պահելով: Այս պատճառով երկու տեսակ մարդիկ պէտք է որ անպակաս հաղորդուեն—կատարեալները և անկատարները: Կատարեալները՝ որ միշտ կատարելութեան մէջ մնան. և անկատարները՝ որ կատարելութեան համեն. պէտք է հաղորդուեն ուժեղները՝ չտկարանալու համար, տկարները ուժովանալու համար, հիւանդները հոգեոր հիւանդութիւնից բժշկուելու համար, առողջները՝ չհիւանդանալու համար:

\* \* \*

Հաղորդուելու օրն իսկ ով դրա համար հարկաւոր պատրաստութիւնը չէ տեսել զեռ ևս ժամանակ ունի պատրաստութիւն: Եսայի մարգարէն մարգարէանալուց առաջ տեսիք է տեսնում, որ սերովեներից մէկը՝ վրկայութեան խորանի «Սրբութիւն սրբոց» կոչուած տեղում, ուր միշտ վառ պահուում էր երկնքից իջած կըրակը, ունելիքով մի փոքրիկ կտոր է վեր առնում այն կրակից ու դնում նրա բերանը՝ մեղքերն այրելու և սիրտը մաքրելու համար: Դրանից յետոյ Եսային ստանում է մարգարէական շնորհք: Այս բանը մեր հայրապետ Շնորհալին շարականի մէջ այսպէս է երգում: «Յաստուածային կայծակունսն՝ ի սրովքէից անհպելին,

անմաքրապէս մերձեցաք, գոլ պարտապան քում խորհրդոյ»։ Տէր Յիսուս, ասումէ, քո աստուածային կայծերին, այսինքն՝ մարմնիդ և արեանդ անարժանութեամբ մօտեցանք ու պարտապան եղանք։ Հիմա մոտածիր գու եթէ լուսեղէն հրեշտակը ունելիքի էր կարօտ՝ աստուածային կայծը վեր առնելու համար, հապա մենք ինչ պատրաստութեամբ պէտք է մօտենանք նրան մեր մէջ ընդունելու։ Եւ եթէ զատկական գառը ուտելու համար՝ Յիսուս «մի փառաւոր զարգարուած վերնատուն» էր փնտում, իրան մեր ներսը ընդունելու համար ինչպիսի փառաց տաճար կը ցանկանար ունենալ։ Եթէ Մովսէս մարդարէն օրէնքի տախտակները պահելու համար տապանակ շինելիս՝ ազնիւ անփուտ փայտ էր ընտրում ու մաքուր ոսկով պատումն գու ինչպէս պէտք է պատրաստես քեզ՝ օրէնքներ տուողին ընդունելու։ Եթէ հարիւրապետը վոյել չէր համարում Յիսուսին իր տանը ընդունելը Եթէ Յովհաննէս Մկրտիչը իրան արժանի չէր համարում նրա կօշկի կապերը յետ անելու, — հապա գու, թշուառութեամբ, անգիտութեամբ և չարութեամբ լի մի չնչին արարած՝ ինչ պատրաստութիւն պէտք է տեսնես։ Եւ Յիսուս ինչ փառքով որ փառաւորուեց թափոր սարի վրայ, ինչ փառքով որ այժմ բազմած է չօր աջակողմը, նոյն փառքով գըտ նուումէ և հազորդութեան նշխարի մէջ։

Մովսէս մարդարէն Քորեք անունով մի սարի վրայ տեսաւ մի թուփ, որ վառուում էր, բայց չէր այրուում։ Նա ուզեց մօտենալ՝ այդ հրաշալի երեսոյթը լաւ տես-

նելու. յանկարծ թփի միջից լսեց մի ձայն, որ ասում էր»։ Մովսէս, Մովսէս, կօշիկներդ հանիր, կանգնած տեղդ սուրբ է։ Մի թէ նոյնքան հրաշալի չէ այն սկիհը, որին դու մօտենումես։ Թուփը վառող կրակը՝ ինքը Աստուած, ինքը Յիսուսն էր. և այդ սկիհի մէջ՝ հացի ու գինու տեսակով գտնուումէ նոյն աստուածային կրակը, որ արժանաւոր ճաշակուողին մաքրում։ զրտումն կենդանացնումէ. իսկ անարժան ճաշակուողին այրումն կիզումն ոչնչացնումէ։ Հանիր, ուրեմն, կօշիկներդ, յետ արա հոգիդ կաշկանդող բոլոր մեղսական կապերը, և այնպէս մօտեցիր սրբութիւն առնելու։

Մոռացիր քեզ շրջապատող ամէն երկրաւոր բան, այժմ՝ քեզ նայումէ քո պահապան հրեշտակը. քեզ նայումէն բոլոր երկնային զօրութիւնքը։ Դու այժմ տսես թէ, վերջին գատաստանի առաջն ես կանգնած, այժմ վճռուելու է քո վիճակը. և դու հազրութուելու ես՝ կամ յաւիտեան ապրելու, կամ յաւիտեան մեռնելու։ Ուրեմն, տսա քեզ ու քեզ. Տէր Յիսուս, Յոյսս գնելով քո անսպառ բարութեան վրայ, և անսահման ողորմութեան վրայ ես գալիս եմ ինչպէս հիւանդը իր Փորկչի մօտ, ինչպէս քաղցածն ու ծարաւը՝ կեանքի աղբիւրին, ինչպէս աղբատը՝ երկնային թագաւորին, ինչպէս արարածը՝ իր Արարչին։ Ի՞նչ եմ ես, որ մօտենում եմ քեզ. և ինչ ես գու, որ հաճումն խոնարհել գէպի ինձ, ինձ համար կենաց հաց և հոգեոր փրկութիւն դառնալու։ Հոգիս բորբոքում է մարմինդ ընդունելու ցանկութեամբ, սկրտս ծարաւ

Ե սրտիդ հետ միանալուն: Ի՞նչպէս կարելի է ճանաչել քեզ ու չսիրել Տէր: Բնչպէս կարելի է սիրել ու չմիանալ քեզ հետ: Զարթեցրու սիրտս թմրութիւնից, որ հոգով ճաշակեմ քաղցրութիւնդ: Լուսաւորիր աչքս, որ լաւ տեսնեմ այս մեծ խորհուրդը: Ամրացրու ինձ, որ չտատանուեմ հաւատիս մէջ: Մեղաւոր եմ, տէր, առաջին մեղաւորը աշխարհիս վրայ: Բայց Էլ չեմ ուզում մեղաւոր մնալու: Հաւատում եմ քեզ, տէր, օգնիր անհաւատութեանս: Չեմ համբուրում քեզ Յուդայի համբոյրով, չեմ փոխի քեզ ողջ աշխարհի հետ: Չեմ ծախի քեզ ոչ մի գնով, միայն օգնիր ինձ, որ անդատապարտ հաղորդուեմ քո սուրբ խորհրդին: Լուսաւորիր միտքս, փոխիր սիրտս, ուղիր կեանքս, սանձիր կրքերս և, իբրև Աստուած, թագաւորիր վրաս:

\* \*

Հաղորդուելուց յետոյ եկեղեցին ձայն է տալիս, «Դուք, որ հաւատով ընդունեցիք աստուածային, սուրբ երկնային, անմահ, անարատ և անապական խորհուրդը, շնորհակալ եղէք Տիրո՞ջը»: Սա մի գոհանալու հրաւէր է, երախտագէտ լինելու յորդոր է: Ցիրաւի, ով որ չէ յիշում իր ստացած բարիքը, նա ոչ միայն արժանի չէ աւելի մեծ բարիք ստանալուն, այլ և արժանի չէ՝ հենց նրան, ինչ որ արդէն ստացել է: Որինակներ են եղել որ մարդ իր անձը գոհել է բարեկամի համար: Բայց լսե՞լ ես երբ և իցէ, որ մէկը մեռած լինի իր թշնամեաց

համար, իր թշնամեաց փոխարէն: Ամէն մեղաւոր՝ Աստուծոյ թշնամին է, բայց Աստուած մեռաւ մեզ համար. մեր փոխարէն: Եւ ինչպէս մեռաւ. ինչպէս չեն մեռնում այժմ նոյն իսկ աւազակները, Ցիսուս մեռաւ խոչի մահով, անարդ ու խայտառակ մահով: Լսե՞լ ես որ մարդ մեռնելիս կտակի, որ իր մարմինը կտոր կտոր անեն, բաժանեն քաղցածներին, որ նրանք սովամահ չլինին, իր արիւնը խմեցնեն մեռնողներին, որ նրանք շունչ առնեն, կենդանանանան: Իսկ Ցիսուս, ինչպէս Սիսնի վերնատան մէջ կտակեց իր աշակերտներին, ամէն օր նորից զենուում է եկեղեցու ս. սեղանի վրայ, մասմաս կտրատուելով: և մենք ճաշակում ենք որ մեր հոգին յաւիտեան չմեռնի: Ահա թէ որքան մեծ է մեր ստացած բարիքը, Բայց ինչպէս պէտք է շնորհակալ լինենք:

Շնորհակալութիւնը պէտք է հաւասարուի ստացած բարիքին. զոհաբերութեանը պէտք է պատասխանել զոհաբերութեամբ: «Մենք էլ Ցիսուսի վէրքերի փոխանակ պէտք է վէրքե՞ր կրենք: Նրա արեան փոխանակ մեր արիւնը թափենք» կը հարցնես դու: Ոչ չսարսես դրանից: արեան հոտն իսկ սոսկում է պատճառում մեզ: Մեր ժամանակում հաւատացեալին՝ էլ խաջը չեն բարձրացնում, այլ խաջով են պսակում: Մենք ունենք ուրիշ վէրքեր, ուրիշ չարչարանք, ուրիշ մահ: Կայ մի ուրիշ Գողգոթա, կայ մի ուրիշ խաչ, որի վրայ կարող ենք բարձրանալ ու խաչուիլ: Մեր սրտերում բուն դըրած չարութիւնները մեռցնելն է այն մահը, որ պա-


հանջում է մեզնից Յիսուս։ Մաքուր, անբիծ կեանքն։  
Է այն խաջը, որի վրայ իրը չարչարուելով՝ խաչում է  
մեր սիրտը։ Միմեանց օգնելը իրար սիրելը, սիրով խըն-  
դալն՝ է այն սուրբ կեանքը, որ պահանջում է մեզնից  
անարիւն զոհը։ «Մենք շատ ենք, ասում է առաքեալը,  
բայց միասին կազմում ենք մի մարմին, որովհետեւ մի  
հացից ենք հաղորդուում»։ Մի հաց ենք ուտում ուրեմն,  
ամենքս էլ մի և նոյն զգացմունքը պէտք է ունենանք,  
մի և նոյնը մտածենք։ Մի բաժակից ենք խմում ուրե-  
մն, մէկ սիրտ պէտք է ունենանք։ իրար համար միա-  
տեսակ պէտք է բարախեն մեր սրտերը։ մի հոգի պէտք  
է լինենք շատ մարմինների մէջ։ ինչպէս Յիսուս բնա-  
կում է մեր մէջ, մենք էլ՝ նրա մէջ։ ինքն էլ այդ հրա-  
ւէրն է կարգում։ այդ խոստումն է անում մեզ՝ «Ով ու-  
տում է իմ մարմինը և խմում է իմ արիւնը, նա իմ  
մէջ կը բնակուի, ես էլ՝ նրա մէջ»։




## ՀԵՂԻՆԱԿԻ

### ԿՐՈՆԱԿԱՆ ԵՐԿԵՐԸ.

1. ՅԻՍՈՒՍ ՔՐԻՍՏՈՍԻ ՄԿՐՏՈՒԹԻՒՆԸ, 34 ԵՐԵԱ, 1893,  
գինն է 8 կոպէկ։
2. ԶԱՐՉԱՐԱՆՔԻ ՇԱԲՈԹԸ, 80 ԵՐԵԱ 6 պատկերով։  
գինը՝ 15 կոպէկ։
3. ՊԱՐՉ ՔԱՐՈԶՆԵՐ, առաջին գրքոյկ, ԵՐԵԱ, 76  
գինը՝ 15 կոպէկ։
4. ՊԱՐՉ ՔԱՐՈԶՆԵՐ, ԵՐԿՐՈՐԴ գրքոյկ, ԵՐԵԱ, 92  
գինը՝ 15 կոպէկ։





4/2

875

0027718

ՀՀ

«Ազգային գրադարան



NL0027718

